


1514

Mon



8-41-A-9

OPUSCULA
QVAEDAM PIA

ILLVSTRISSIMI VIRI
FRANCISCI BORGIAE
GANDIAE DVCIS.

Nunc primum de Hispanico sermone,
in Latinum conuersa.



NEAPOLI, 1614.
Ex Typographia Io. Dominici Roncalioli.

Superiorum Permissu.


Tractatus cui nomen est, Ope-
rum Christiani speculum.

Tractatus inscriptus, Colly-
rium spirituale.

Tractatus de præparatione ad
sacram communionem.

Exercitatio spiritualis ad sui
cuiusq; cognitionem.

Tractatus de cantico trium
puerorum qui incipit, Bene-
dicite omnia opera &c.



Illustriss. & Excellentiss.

H E C T O R I

P I G N A T E L L O

M O N T I S L E O N I S

D V C I.

Melchior Reuilionus S. D. P.



LECTA a me sæpe numero
(Dux Excellentiss.) Fran-
cisci Borgię Gădie Ducis,
& Barcinone toti Taraco-
niæ Regno Proregis, ac
tum postea Societatis Iesu Præp. Ge-
neralis, Vnde Lermensium Dux iure
suam præaffinitate iactat amplitudinē,
Lecta inquam Opuscula omni pietate,
ac religione, diuinarumque rerum ob-
seruantia, atque animi æmolumento ne-
dum latinitatis cultu referta, nulli ex
tot Optimatibus, Dynastisque rursus

A a omnium

omnium ad fructum, affluētiamq; edita, quam tibi (Dux Excellentissime) mihi visum est grauissima (e tot priuatis publicisq. quibus assidue destineor occupationibus) inscribere, ac dicare. Etenim cum in his doceat auctor, quæ omnia post datum à se Religioni nomē anteaquam etiam toto in ipsius vitæ cursu peregerit, atq; exercuerit, quæ exequi factis Christianorum quisque debeat, cumq; eligendus is mihi foret in præcipuum tanti operis patrocinium, ac tutelam, qui optimarum rerum, quæ in opere sunt, singularis sit professor, tu (Dux Excellentissime) occurristi dignius, & opportunius. Ille sanè es, qui non modo imitatus auctoris nostri huius es animi æquitatem, atq; clementiam (Virtutes cum primis tibi cum ipso in eodem Taraconiæ Regno communes) verum etiam te nunc eiusdem alias ad imitandum proposuisse plurimas, summæ tibi laudi ducere decoriq; licet. Ille hercle es, qui inter-

næ

ne pulchritudinis præclarorum fac-
torum quasi penicillo depictæ, paribus
tuis, cunctisq; ferè exponis exemplar.
Ille es, qui pijs, sanctisq; præcibus, tum
intra domesticos parietes, tum vmbra-
tiles sacrorum locorū exercitationes
sedulam magis, ac magis nauas operā;
Tu humilitatem Deo summopere gra-
tam in tanta honorum tuorum, digni-
tatum, titulorumq; proceritate intue-
ris. Cuius ductu, & acceptorum à di-
uina munificentia beneficiorum me-
moria, Iesu Dñi Corporis Synaxim san-
ctissimam in animi alimentū lætamq;
tranquillitatem sæpe, ac sæpius susci-
pere tibi iucūdam maximè est, & gra-
tum. Ita pariter aures sacris oratoribus
exhibere; xenodochia frequentare, lar-
gam in opibus egenisq; manum expe-
ctorare; Opem ijs, quos publicè stipem
cogere pudeat, hilariter ferre; eadēq;
omnia præstare, quæ Christianum de-
cent Heroem, quæue ad eum spectant,
qui sempiternum cum diuis acturus est
æuum,

zum, & cuius tot cum benè gestis re-
bus vita mortalibus omnibus documē-
to est. Quòcirca te iure optimo (Dux
Excellentissime) in Domo Iesuitarum,
quam vocant professam, Dñi Congre-
gationis iàm diù creatus es in Præfe-
ctum, vbi munus tuum; quo bene
fungeris, mirum in modum te commē-
dat, & cūctis efficit amabiliorem.
Quod si quam supra indicaui rationem
mihi integrum sit repetere: inter te, &
Lermensium Ducem, eiusq; sobolem
magna, ac mutua est animorum con-
iunctio, qui Lermensium Dux tanto
nunc sibi huius opusculi auctore, apud
Deum exorante, adauctam sui (vt su-
pra dixi) iactat amplitudinem, hoc igi-
tur tibi inscribi idem esse puto, ac si
Lermensium ipsi Duci inscribatur, ea
nimirū amicitiae lege, Amicorum om-
nia inter se communia. Ad hæc quæ di-
xi, accedere tantum hoc volo, hac de
re præsens tibi dicatum esse opusculū,
quod apud PHILIPPVM HISPAN.

Re.

Regem, & eius Proreges, ac præsertim Petrum Fernandum Lem. Comitem Excellentissimum maximi ponderistua sit auctoritas, Quodq; valdè te spectatæ dignitatis apud Sabaudia Ducem Serenissimum, eiusq; liberos Principes Victorium Amadeū, & Emanuele Filibertum summum Maris Præsidentem, ac Vindicem Christiani nominis luminaria fulgētissima, qui Barcinone apud te vñ sunt hospitio, ceretq; beneuolentiæ esse perspiciam, & satis apertè mihi, omnibusq; id constat in ipso nuper tanti Herois Neapolim aduentu, a quo honorificentissimis acceptus est verbis, quos ego Principes meos natura Dños vna cum meis Genitis Io. Franc. Equite, & Io. Baptista, & Carolo Iuris peritiæ laurea insignitis agnosco. Tuo igitur nomine (Dux Excellentissime) Gandiæ Ducis, & Iesuuitarū iam Præpositi Generalis opusculū clarius in lucem prodijt, adiecta ipsi magna ex parte Italica versione.

fione. Quod vt legas non oro, tua enim
ad legenda ; quæ pia sunt animi te
propensio vltro allicit, ac trahit, Vt ac-
cipias tantum in mei erga te obsequij
testimonium, & in tuorum (quæ auspi-
cato succedant) in Hispaniam ad Re-
gem itinerum, iucundissimum comita-
tum, ac totius Congregationis , quæ à
se mox te discessuro, vicem oppido do-
let suam ; & doleret maximè (nisi D.
Thomam Daualum Antiochiæ Patriar-
cham tui ex voto sortita esset successo-
rem) in futuram vtilitatē præcor atq;
obsecro.

Vale viij. Id. Septemb. M.DC. XIV.

ILLVSTRISS. AC REVERENDISS. D.

G A S P A R T

Q V I R O G V A E,

ARCHIERISCOPO

TOLETANO,

Summoq; Consilij sanctæ Inqui-
sitionis Præsidi.

*Alphonsus Deça Theologus so-
cietatis IESV. S. P. D.*



RANCISCVS Borgia
Dux Gandiæ, ante-
quam se ad nostram
societatem adiunge-
ret, libellos quosdam ad sui pro-
fectum scripsit, rudimenta con-
tinentes ea, in quibus se ipse ad

A

huc

huc tyro exercebat ad pietatē.
Qui cum amicis nonnullis com-
municati, quòd essent & sanctif-
simis documentis pleni, & à viro
illo profecti, qui genere esset, at-
que vitæ splendore clarissimus,
magnam imprimis admiratio-
nem habuerūt. Nam cūm Fran-
cisco proauorum sanguine illu-
strissimo, & multis magnisq; per
ample familiæ, ac proprij domi-
natus negotijs implicato, & in
aula Regum, & gratia educato à
puero, de canibus, de equis, de
accipitribus (Principum virorū
more) non de moribus atq; vir-
tutibus, deq; orandi, meditan-
diq; ratione tractationes con-
gruæ viderentur: & ab illo ciui-
lia

lia potius quàm religiosa; militaria magis expectarent homines quàm spiritalia, & ea quæ specie sua fallaci perstringunt imperitorum oculos, non ea quæ depulsa animis offusa caligine, pectora nostra complent clarissima luce, & ad bene beateq; vivendum iuuant: hæc ab ipso sapienter conscripta (quòd præter opinionem hominum accidissent) admirabilia multis sanè sunt visa. Itaq; Francisco ipso inscio atq; inuito, libelli in vulgus æditi Hispanicè, typisque etiam excusi sunt. Intellexerunt nimirum homines, non esse angustis Dei gratiam finibus circumscriptam, neq; cultu corpo-

ris tantummodo & habitu virtutum, pondera æstimanda. Nam vt sub vili palliolo latet sæpè sapientia; sic sub holosericis interdum atq; aureis vestibus humilitas, suiq; contemptio inclusa est, atq; humanarum rerum despicientia. Quod si vnquam aliàs, in Francisco certè nostris temporibus vidimus. Qui ætate florens, Regia stirpe natus, opibus, copijs, liberis, amicitijs, clientellis abundans, magna Regis sui, & hominum laude publicis muneribus honorificè perfunctus, rebus denique omnibus, quæ in bonis vulgò numerantur, ad voluntatem fluentibus, quæ ipsi fuerant lucra, hæc arbitratus est
propter

propter Christum detrimenta;
mundiq; omni inanitate reiecta, Philip. 3.
paupertatem diuitijs, asperita-
tem delitijs pretulit: aulico splē-
dori, humilem squallorem, po-
tentiaē sui ludibrium longè ante
posuit: & nudus nudū Christum
sequutus, in eo se abiectionis
statu collocavit, in quo docuit
grauissimo exemplo pictis &
adumbratis vera & solida, cadu-
cis sempiterna infinitis partibus
antecellere, cœlestia terrenis,
humanis diuina. Præterit enim
verè figura huius mundi, vt ait
Paul. & id quod in præsentī est 1. Cor. 7.
(vt idem scribit) momentaneum
& leue tribulationis nostræ su-
pra modū, in sublimitate æter-

num gloriæ pondus operatur in nobis, non contemplantibus nobis quæ videntur, sed quæ non videntur: quæ enim videntur

Hebr. 12. temporalia sunt, quæ autem non videntur æterna sunt. Franciscus itaq; aspiciens in autorem fidei, & cōsummatores Iesum, qui proposito sibi gaudio sustinuit crucem, confusione contempta, maiores diuitias æstimens thesauro Aegyptiorum im-

Hebr. 11.

Hebr. 13.

properium Christi; exiuit extra castra illud portans, præclarissimum nobis ad imitationem, posterisq; omnibus exemplum relinquens. Huius igitur viri libellos (quos suprà commemoravi) verè catholicos, verè pios, de Hispano

Hispano sermone in Latinum
conuersos denuo in lucem emit-
timus. Primùm quidem, ne tanti
viri memoria temporum vetu-
state obsolescat: deinde vt con-
stet quibus quasi gradibus, ad
tantam virtutum excellentiam
peruenerit: postremò vt quibus
præluxit vitæ exēplo, eos quoq;
doctrina instruat, & non solum
præsentibus profit, sed etiam fu-
turis. Habent enim multa, ex
quibus, si studium diligens, & as-
sidua exercitatio accesserit, ma-
gna percipi possit vtilitas. Lati-
na autem hæc opuscula euulga-
mus, quò fructus latiùs eorum
pateat, & non tantùm ad Hispa-
norum, sed ad exterorum etiam

manus perueniant. Tibi autem
præful Illustrissime hæc dica-
mus, tum quoniam in ista quasi
vigilia fidei catholicæ tuendæ
præsides, & truculētam circun-
frementium hæreticorum ra-
biem, qui sub ouina pelle lupos
tegunt, à nostris regionibus
procul arces; & ne quid Apo-
stolicæ atque auitæ Religionis
candorem obscuret, aut infi-
ciat, nèue contagione serpat,
pro officio tibi diuinitùs dato,
summa vigilantia atq; sapientia
provides: (& iustissimum sanè
est, vt te omnes grata animi pie-
tate colant, in quos tantum, tam
turbulentis & calamitosis tem-
poribus, tamq; eximium abs te

con-

confertur beneficium) tum etiã
propter singularem meam in te
obſervantiam, eamq; excitatam
virtutum tuarum admiratione,
& ſumma tua in nos beneuolen-
tia, & perpetua noſtræ religio-
nis deſenſione, quam ex quo pri-
mùm fermè cœpit peramanter
ſuſcepisti. Itaq; non magis mihi
propria eſt, quàm communis
cum omnibus noſtræ ſocietatis
hominibus. Sed quoniam omni-
bus ſingulatim hoc facere non
licet, ego & meo, & eorum om-
nium nomine, hoc munuſculo
teſtari volui, quantùm tibi in
Chriſto & debeamus omnes, &
cupiamus. Vale. Compluti.

A Nima Christi sanctifica me, corpus Christi salua me, sanguis Christi inebria me, aqua lateris Christi laua me, passio Christi conforta me, ò bone Iesu exaudi me, intra tua vulnera absconde me: ne permittas me separari à te, ab hoste maligno defende me, in hora mortis meæ voca me, & iube me venire ad te vt cum Sanctis tuis laudem te in sæcula sæculorum. Amen.

TRA-

TRACTATVS

QVEMADMODVM

*eorum quæ in terra con-
spicimus, considera-
tione confundi
debeamus.*



Sicut eorum qui noxij sūt
cōparatione nocēti-
ores inuenimur, qua-
les coram innoxijs
rebus quæso appa-
rebimus? Etenim si
eorū qui peccarunt,
consideratio nostram magnopere su-
perbiam deprimit, quantò nos eorū
consideratio humiliare debet, quæ nū-
quam à creatoris præcepto vlla in re
discesserunt? Inanimes dico creaturas,
quæ solūm vegetādi, vel sentiendi vim
habent

- habent, vehementer quidem arguunt
nostram inobedientiam, ingratitude-
dinem, atq; inertiam. Terra quidem
quæ fructum profert nos planè repre-
hendit, qui infructuo si atq; steriles su-
mus. Aqua verò dum prata irrigat,
sitim sedat, eaq; facit, ob quæ à Deo
data hominibus est, quantum eos ar-
guit, qui eam tunc creatori negant,
cùm ipsius nomine petenti pauperi
præbere omittunt? Iam verò, ignis dū
sapidas carnes reddit, quantum eorū
crudelitatem condemnat, qui proxi-
mi carnem inclemēter tractant? Quā-
tūm porro aer qui nostrā perpetuò vi-
tam tuetur, negligentiam nostra in
Dei obsequio, quos vel vna hæc res
maxima Deo seruiendi obligatione de-
vincit. Petræ verò quæ in Christi pas-
sione quamquam insensibiles scissæ
sunt, quantum deberent nostram du-
ritiam atq; inciuilitatem confundere?
Est mel palato dulce, nos verò Deo
ama-

amatissimi: suavis est florum odor, at Flores.
 nostrorum quantus est peccatorum
 foetor? Crescunt plantæ, sursumq; tē- Plantæ.
 dunt: at homo dum vilia sectatur, se
 magis, magisq; in dies deprimit, cui
 quantò esset consultius vel in hac re
 arbores imitari, quæ quò in profundū
 plures radices iaciunt, maiorem ex ijs
 ad ramos virtutem trahunt: sic enim
 homo si profundas humilitatis radices
 iaceret, magnum virtutum fructum
 referret. Iam verò quem non moueant Iumenta
 iumentorum seruitia? cum præfertim
 ijs exhibent, qui se peccatis iumentis
 similes reddiderunt? Quantò vero di-
 gnior est, qui hæc malè tractat, qui
 malè tractetur? aut quis non iure mi-
 retur obedire hæc illis, qui Dei tamen
 voluntati repugnent? Induit te Aries Aries.
 pelle, & vestit lana, suisq; sustentat car-
 nibus: tu verò eis, cum in Dei gloriā
 uti deberes, his atq; alijs Dei beneficijs
 abuteris, dumq; mille modis tuæ con-
 cupi-

cupiscentiæ studes satisfacere, & creaturis, & Deo iniuriam facis. Fatigatū labore leuant supposito tergo iumenta, seduloq; in ea re suo qui eas in hunc finem creauit creatori parent: tu verò nihil minus quàm finem tuū aut cogitas, aut quæris, quem certè par erat Deo aliquam (si ita dicere licet) quietem adferre, quando ex eius creaturis tantum in labore leuamen capis? Non est quidem quòd quiete putemus indigere Deum, qui quidem summa est sui atq; omnium felicitas, sed quiescere tamen (quæ eius est benignitas) putari se vult in iustorū animis, deliciaşq; suas ait esse cum filiis hominum, de quibus tamen in hunc modum meritò conqueritur: Laborauī sustinens. O quantum verbum hoc ad nostram confusionem valere debet, quando nostris Deo operibus laboris causa sumus, cū quietis tamen esse deberemus? Itaq; non de brutis, sed hominibus dictum est:

est: Poenitet me fecisse hominem. Hęc te ò pulvis & cinis humilient, hęc tibi lachrymas excutiant: idq; præsertim cum creaturam seruitio quietem tibi adferri sentis, quando non tu similiter erga Deum te geris. Cùm verò iumentis tuis pabulum das; ita puta, quantò æquius est illis te, quàm tibi illa seruire, quæ nunquam Deo nec rebellia, nec ingrata fuerunt.

Serpentium prudentiam, qui feruntur admota altera aure terræ, alteram, ne vocem incantatoris audiant, cauda occludere: tuæ te imprudentiæ admonet, qui ne ad Dæmonis quidem tentationes aures claudere didicisti. Tuã tibi inertiam formica demonstret, ea in æstate præparans, quæ sint ipsi in hyeme vsui futura, quod vel vnum planè tuam negligentiam arguit, qui non ea dum viuis merita præpares, quibus sis post hanc vitam maximè opus habiturus.

Serpētes.

Formicæ.

Quò

Apes.
Bomby-
ces.

Quò verò sit latior meditandi cam-
pus, Apes cogita, & Bombyces, &
eiusmodi reliqua animalia, ita tibi ad-
miranda multa, quæq; magnam in te
excitent confusionem occurrent: quæ
nos consultò omittimus, ne prolixio-
res simus; simul etiam quòd nobis id
propositum sit, vt rem tantum indi-
cemus, quæ sit diligenter ab vnoquoq;
cogitanda maiora melioribus ingenijs
relinquentes. Hoc verò interim ad-
monemus, magnam in creaturis om-
nibus suppetere confusionis materiã,
si quoties vna quælibet occurrit per
suasum habeas, te, quoties creatorem
offendisti, non id meruisse tantum, vt
earum obsequio careres, sed vt illæ
etiam in te Dei iniuriam vlciscerentur.
Quod cum eas necdum fecisse vides,
sed tibi adhuc seruire, quantas debes
quantaq; cum humilitate Dei miseri-
cordiæ laudes, quàm sæpe porro ad te
Dei obsequium paratum offerre?

Ne

Ne vero quenquam impediat quorundam brutorum consideratio, dūq; vel volutantem se in luto suem conspiciat, aut cum resumentem canem vider quod euomuerat, se illis putet non esse sordidiorem. Vtq; de rebus iudicet quisq;, vt par est, sciendum est, nihil per se malum esse, nisi quatenus in cōspectu Dei, vel Dei iudicio malum est. Quare cum ea quæ de sue, & de cane diximus (quippe quæ sint eis naturalia) non habeantur mala coram Deo, non esse à nobis mala existimanda: sed illud potiùs cogitandū peccatori quale sit, aut quas mereatur pœnas, cū faciat sus secundum naturam dum voluitur in luto, facit ille contra naturā suam, cū Deum nec amat, nec Deo seruit. Cumq; in peccato quiescit, in quanto sordidiore quàm sus luto voluetur: quantoq; (cum ad relictum peccatum redit) foedius quàm canis ad vomitum reuertatur: atq; id eum

Sus.

Canis.

B

con.

confundat, eoq; magis quòd ista intelligit Deo magnopere displicere. Non itaq; quenquam reuocent à confusione, quorundam irrationalium animalium facta, sed sua quemq; male acta confundant, qui iudicio libero præditus omne potuit, & debuit malum vitare. Atq; hæc de ijs quæ ratione carēt. Sequitur vt dicamus, quemadmodum

Rationalia confundunt nos.

Superiores.

nos debeat rationalium creaturarum, id est, proximorum nostrorum consideratio confundere. Sunt igitur in his superiores alij, alij æquales, alij verò inferiores: de superioribus pauca dicam, quando eorum auctoritas, & in te potestas, tantopere debet mouere ad humilitatem cum præsentibus sunt, vt nisi te humillimè coram ipsis geras, rationis iudicio carere videri possis, qui non consideres, quam illi, & qualem personam gerant.

Confundat verò te, magnoq; timore concutiat, quòd cum sint hi ministri

ſtri Dei non de te, qui diuinam maie-
 ſtatem læſeris, pœnas ſumant. Itaq;
 ſi iubeant aliquid, ſi reprehendant, ſi
 caſtigent, id tibi, quanquam alijs du-
 rum videri poſſit, debet leue, & ſua-
 ue videri, ſiue id cogites, quòd me-
 reri, ſiue id memineris quòd olim
 ſub dæmonis poteſtate faciebas, cum
 videlicet ſub eius vexillo peccato ſer-
 uires, eiufq; in rebus non ferendis
 iugum ferres, vtebatur enim te tan-
 quam carnifice, cum videlicet te, ad
 perpetrandum opere aut mente ho-
 micidium, adigebat: te deniq; tan-
 quam foetidorum, & corporum, &
 animarum vectore, vtebatur, cum
 tuis vel exemplis, vel perſuaſionibus
 multi in peccatum cadentes, in in-
 fernū tandem præcipites ibant. Hanc
 tu tam miſeram ſeruitutem ſi tecum
 reputes, dulcia tibi videbuntur om-
 nia ſuperiorum tuorum præcepta, cū
 te præſertim illi non iubeant facere,

nisi quæ ad pacificam, quietamq; , & fraternæ charitatis plenam vitam pertinent : teq; indignum iudicabis , qui eos habeas superiores , qui sint ipsi ministri principis pacis , & tibi occasio magna merendi vitam æternam. atq; hæc de superioribus sint satis.


Aequales **AE**qualium consideratio ita te cōfunder, si te indignū putes, qui æqualis dicaris ijs , quibus vel dignitate, vel officio minor non sis. debes enim illorum virtutes cogitare , quibus te coram Deo maiores sunt. Quod vt tibi persuasum omnino sit , ita cogita, neminem tibi te ipso in malis notio-rem esse. scis enim de te ipse , quàm multa , & malè cogites , & appetas: aliorum verò interiora peccata non tibi perinde certa sunt. Quod cum ita sit, sintq; tibi peccata tua certa, aliorum autem incerta, meritò te debes peiorem cæteris iudicare , adeoq; reliquis inferiorem. Quocirca si quen-
quam

quam vides infirmum, cùm tu sanus Infirmi.
 sis, noli efferri, sed potius humiliter
 considera, tractari illum à patre cœ-
 lesti tanquam dilectum filium, te ve-
 rò paterna correctione, & amoris
 plena indignum esse: contra verò si
 tu ægrotus sis, puta te id tuis pecca-
 tis meruisse, alios verò qui prospera
 vtuntur valetudine id consequutos,
 tanquam quibus non magna pro pec-
 catis satisfactione opus sit.

Si diues sis, illud time, quam dif- Diuites.
 ficile qui pecunias habent in regnum
 Dei introibunt: si proximus, cogita
 ei, quòd fidelis sit dispensator rerum
 domini, auctum fuisse talentum.

Si pauper sis, Dei iusto iudicio, & Pauperes
 tuis meritis tribue, qui vel spiritua-
 lia bona tibi à Deo data dissipau-
 ris, aut egentes proximos re cum
 posses, aut orationibus, atq; alijs hu-
 iusmodi eleemosynis non iuueris: si
 proximus, existima eius à Deo votis

B 3 satisf.



satisfactum, magnoque illum à Deo beneficio cumulatum, qui Christo paupertate similis effectus sit. Ita te si in proximorum rebus geras, deq; illis & te sentias (vt par est) nunquam tibi confusionis materia deerit.

Inferio-
res.

Nec vero putes defuturam in rebus inferiorum: nec enim hi quod sint inferiores officio, contemnendi sunt: sed potius eò pluris sunt faciendi, quòd ijs tanquam fortioribus maiora onera Deus iniungat, tecum verò tanquam cum imbecilliori clementer agat, qui illorum non possis (quæ tua est infirmitas) more viuere: nec enim tantum habes animi, aut virium, vt noctu diuq; possis tam multa pati. Quod si cogites, quam illorum pleriq; læto animo suos ferant labores, quaque paucis in sustentanda vita contenti sint, deniq; si cum eorum virtute tuam imbecillitatem conferas, magnam humilitatis materiam habebis.

Cùm

Cum te famuli comitantur, id te Famuli.
 confundat, quod cum Christum de-
 serueris, eiq; debitum honorem ne-
 gaueris, illi te sequuntur tamen, &
 magno honore prosequuntur. Adde
 quod tibi seruiunt, ad celeste regnum
 creati: cogita cum tu es in peccato,
 & illi in gratia, indignum te esse qui
 illis seruias. Confundat te illud Chri-
 sti exemplum, cum discipulorum pe-
 des lauit. Confundat quod dixit:
 Non veni ministrari, sed ministrare.
 Confundat te tandem coram omni-
 bus eorum creatio: sunt enim ad
 imaginem Dei & similitudinem facti,
 tantoq; opere chari æterno patri, ut
 pro eis vnigenitum dederit. Atq; id Infideles.
 te debet coram infidelibus confunde-
 re, quando ad eandem imaginem
 creati sunt, & pro omnibus Christus
 mortuus est: eoq; magis coram his
 debes confundi, quod fidei illi lumi-
 ne destituti, ijsq; quibus Deus solet

suos recreationibus consolari, multa tamen magna; patiuntur in ieiunijs, ceremonijs, atque eiusmodi alijs: tu verò Christianus, & Spiritus sancti gratia illustratus, donoq; fortitudinis adiutus, & diuino amore subleuatus, in minimis quibusq; ita fatigaris, ut leuem penitentiam vel ferre non posse, vel si feras, magnum te aliquid facere putes. Excitent itaq; te ad confusionem infideles: tecumq; sepe id cogita, si fuissent in Tyro & Sydone factæ virtutes, quæ factæ sunt in te, olim in cilicio & cinere penitentiam egissent: hoc est, si infideles, quod tu, lumen fidei recepissent, quanto Deo quam tu gratiores fuissent? Deplora itaq; quod tam inutilis sis, talisq; ut coram Iudæis etiam confundi debeas.

Iudæi Crucifixerunt illi quidem Christum, sed semel, sed ignorantes eum: tu vero crucifixisti sæpe peccando, quem scires tamen ad dexteram patris in gloria

gloria sedere. Quod si te illi confundunt, quantum putas te confundet quilibet Christianus? Etenim si angeli imagini honorem deferimus, propter eum quem repræsentat, quanto eum in honore habere par est, qui in se viventis Christi imaginem gerat, & Deus participatione sit sicut scriptum est? Ego dixi dij estis, & filij excelsi omnes.

Quo verò tandem ea absoluam, quæ ad proximos pertinent, aduertendum id est, quod puto magnopere conducere ad confusionis conseruationem: dæmonem videlicet exercitium hoc quibuscunq; potest rationibus vndiq; oppugnare, atq; ita vehementer, vt magna ei diligentia opus sit, qui ab illo magnum nolit accipere detrimentum. Est itaq; necesse ita eiusmodi veluti habitum acquisisse, vt simul ac cum proximis aliquid agendum sit, eo vnumquëq; in hono-

honore habeamus, tanquam si nostri
essent omnes aut domini, aut præce-
ptores: eaq; vnumquemq; attentione
audiamus, eorumq; consilia sequamur
tanquam si nobis per eos Deus loque-
retur: caueamusque magnopere no-
strum illorum iudicio iudicium præ-
ferre. Qua in re, duabus de causis
peccari solet: altera, quod nemo in
causa propria idoneus sit iudex: alte-
ra, quod aliquando adulatione, sæpe
verò ex ignorantia pauci de rebus
sentiunt vt par est. Itaq; nonnunquam
astuti & vafri tanquam prudentes
laudantur, & qui omnia irrident, sa-
pientes habentur, cum contra tamen
de ijs sentiendum esset. Quocirca tu-
tum est etiam in bonis tum gratiæ,
tum naturæ, & timere ne decipiamur,
& Deo in omnibus, quæcunq; in alijs
viderimus, gloriam dare, omniaque
semper in meliorem partem inter-
pretari. Quod si contingat eos ali-
quid

quid facere, quod rectum esse non videatur, ne utiq; iudicemus, quando nisi nostri non nobis licet iudices esse: sed vel excusemus factum, vel inde mente auersa eorum bene acta consideremus, nostraq; cum illorum virtutibus vitia comparemus, ne vllum confusionis gradum (si aliter agimus) amittamus. Itaq; si vederimus vel mortaliter peccantes, id cogitemus, vel fecisse ex ignorantia, vel iam ad Dei gratiam per penitentiam rediisse, futurumque illis peccatum maioris hic poenitentiae, adeoq; gloriae in caelo perfectioris occasionem.

Ne vero quicquam confusioni depreat, aduertendum in conuersationibus vbi maiora solent esse pericula. In conuersationibus confundunt nos. Ut si de mansuetudine agatur, veniat in mentem irarum tuarum: si de rebus pulchris, tuorum peccatorum Mansuetudo. Pulchritudo. seditatis recorderis: si de magnatum potentia sermo fiat, id consideres, Potentia. quàm

Potentia.
Auaritia.
Humili-
tas.
Vitia.
Virtutes.

quàm nihil sis; nihilque possis, tum etiam cum maximè aliquid efficere coneris: si de avaritia quis loquitur, tua inordinata desideria: si de humilitate, tuam superbiam memineris, atq; ita in reliquis. Cum mentio fit vitiorum, nostrorum recordemur, cum autem virtutum, eas nobis deesse cogitemus. Ita fiet vt confusionis materia nobis semper suppetat: idq; in conuersationibus præsertim, vbi maius est confusionis amittendæ periculum.

At verò, vt ad eam quæ ex nostrarum rerum consideratione nascitur confusionem propius accedamus, pauca quædam attingenda nobis sunt breuiter, nam lectori profundiorum eorum considerationem relinquimus.

Prælati.

Prælatum igitur confundat, quòd cum Christus dicat: Animam meam pono pro ouibus meis: ipse in paucis ouibus adeo sit negligens, vt
ne

ne eas quidem agnoscat omnes .

Sacerdo-
tes.

Si sacerdos , cum Christus dicat :
Qui mihi ministrat , me sequatur :
quam ipse viam institerit , quæq; his
manibus egerit , quibus solet in sacri-
ficio Christum tenere.

Si concionator est cōfundatur quod Christi officium exerceat, quodq; eius
quæ prædicat exempla non sequatur,
neq; hisce quæ dicit consentanea ope-
ra faciat : veniat & illud in mentem:
Eloquia Domini, eloquia casta: videat-
que, si non satis mundum vas sit quan-
ta sit cōfusione dignus, illudq; timeat:
Peccatori dixit Deus , quare tu enar-
ras iustitias meas, & assumis testamen-
tum meum per os tuum ? Quod Pau-
lus timebat , ne cum alijs prædicaret,
ipse reprobis efficeretur : quantum
debet quisq; concionatorum timere,
seq; magnopere confundere ?

Concio-
natores.

Confundantur præterea Præcepto-
res, & Doctores, vt qui confusione
præ-

Præcepto-
res.

præcipuè opus habeant. Ait enim Apostolus : Scientia inflat . Quod si quis ob scientiam extollitur, ea vel maximè causa confundi debet , plus enim in eo sapit quàm oporteat sapere.

Discipuli Confundat discipulos sua ipsorum ignorantia, qui nisi docerentur, brutis animantibus similes essent : simul etiam, quod parum & in literis proficiant, & sua alijs scientia profint, cum debeant tamen eo magis prodesse multis, quò fuerint sapientiores: deniq; quod cum addunt scientiam, addunt etiam & dolorem.

Religiosi. Religiosus autem multò magis debet coram infidelibus, & Christianis reliquis confundi: quando ei non solum fidei lumen datum est, Christi; iugum dulce impositum: sed & vita omnia sollicitudine vacua speciali quodam priuilegio concessa. Confundatur quod ex tam multis millibus electus

Etus sit, qui si vocati fuissent, multò
 erant Deo gratiores futuri. Confun-
 fundatur quod tam negligens, & di-
 stractus sit in choro, vbi Deo assistunt
 Angeli. Confundatur ob seruitia
 fratrum in culina, in valitudinario,
 atq; alijs locis ipsi exhibita, qui neq;
 cui seruiatur, neq; qui seruiat dignus
 est. Confundant eum in coenaculo
 fercula, quæ Deus ipsi sine vllò ipsius
 labore, aut solitudine apponenda
 curat: vestes etiam quibus induitur,
 & omnis domestica supellex in eius
 vsum parata: cumque his homines,
 quorum opera agri etiam, quorum
 cultu omnia deniq; quibus tanquam
 medijs res eæ in hunc tandem statum
 ad eius vtilitatem deuenerunt. Super
 omnia verò debet eum confundere,
 quòd seruus Dei dicitur, qui ei tamen
 sæpe sit inimicus. Nomen certè id
 est, de quo Virgo beatissima tan-
 quam gloriabatur, cum se diceret An-
 cillam

cillam Dei, quodq; magnopere superbos quosq; confundere debeat.

Confundat nos
domus
Dei.

Confundat præterea religiosum magis, magisque domus Dei, quam tanquam filius inhabitat: cum tamen à patris celestis perfectione tam longe absit, quotq; in ea passus conficit, tot tanquam fluctibus in confusionis pelago immergatur. Nam si domum Domini decet sanctitudo, quomodo in ea iniquum fert Deus? aut cur ab orationis domo non eijcitur indeuotus? Si porro eiusmodi est domus domini, ut magnus & Rex, & Propheta David eligat in ea potius, quam alibi habitare, seq; in ea contemptum, & abiectum esse pro beatitudine ducat: quanta eius debet esse confusio, qui illic inuitus maneat (aut si manet libenter, tanto tamen est Dei beneficio ingratus?

Ceremoniæ reli-
gis.

Postremò cum omnes religionis ceremoniæ confundant, quando eas,
vel

vel non intelligit quorsum spectent,
aut non aduertit, aut graues esse pu-
tat, aut sibi deniq; vtiles esse non curat.

Confundatur cum pro amore Dei ^{Eleemo-}
eleemosynam petit. est enim ea res ^{nz.}
insignis cuiusdam priuilegij: cogitetq;
quale sit, quod pro ipso Deus, tan-
quam qui indigeat, his qui ei mendi-
canti aliquid dant, se debitorem con-
stituat, eiq; suum thesaurum credi-
derit. Quod si aliquando quæ ipsi
Dei causa data sunt, non in eum in
quem petit, vsum insumpsit, tan-
quam sacrilegus confundatur, qui
Deo auferat, quod ipso petente alij
Deo dederunt. Cogitet cum petit
tanquam pauper, nisi animo pauper
sit, falso se nomine petere: si verò
petit ex curiositate, adeoq; contra
quam Deus vult, deceptor est, & mo-
re eorum qui falsis vtuntur diploma-
tis numos à proximo furripit.

Confundatur deniq; quod cum Dei ^{Angelo-}
^C ^{no.} ^{rū murus}

nomine petit, Angelorum munere fungitur, qui ab hominibus semper tanquam Dei legati petunt: ab alijs quidem vt pauperibus subueniant, ab alijs autem, vt iniurias sibi factas remittat, ab alijs verò vt Deo quam debent gloriam & honorem dent. Cum vero eleemosynam acceperit confundatur, quòd & danti Deo, & proximo ingratus sit: ita autem fiet, vt cum ei aliquid erit petendum, incipiat confundi, vt qui intelligat quanta eum eleemosyna obligatione deuinciat: solumque necessaria petat, quando eò maiori obligatione obstrictus est, quòd plura acceperit.

Peregrinatio.

Cùm vero peregrinatur, caueat in eam cogitationem veniat, vt se Apostolicam vitam agere putet: sed illud potius cogitet, eam poenitentiae loco sibi esse vitam attributam. Quod si est è religiosis inclusis, putet se tanquam feram indomitam voluisse do.

dominum ab hominum conuersatione remouere.

Si Rex sit aut Princeps, confunda-
tur quod in eo statu sit, quem Chri-
stus vitauit, cùm eum vellent Iudæi
Regem creare. Mirum verò est, au-
dere quenquam id munus assumere,
quod Christus recusauit, nisi fortè
id pro cruce habeat, & Christi amore
subeat.

Confundantur domini, quòd sint
in requirendis redditibus valde dili-
gentes, in puniendis autem peccatis
publicis admodum negligentes: ti-
meant verò quod pecunia alijsq; bo-
nis vtuntur tanquam suis, nec eius
soleant meminisse, à quo cuncta ac-
ceperunt. Confundantur porro, quòd
se magnum aliquid facere putant,
cum eleemosyna pauperi subueniunt:
nec cogitant se dare aliena, Deoque
quæ sua ipsius sunt reddere, in eoq; in
quo se putant beneficium facere, ma-

gno a Deo beneficio cumulari. Quòd si vel tum cum eleemosynam dant se debent confundere, quantò magis cum in vanos vsus pecunias expendant?

Equites.

Cogitandum autem est equiti, in Euangelij defensionem, adeoque ad promouendum honorem Dei assumptum sibi fuisse gladium. Quod si huius rei memoriam proprii honoris studium delet, suumq; diuino honorem præfert, quid nisi Euangelij persecutor est? Confundatur igitur tanquam Deo infidelis, cogitetq; se, quantum ab hominibus honorabilis habetur, esse peccati seruum, adeoque Dei Sanctorum iudicio nullo non modò dignum honore, sed inferni supplicijs destinatum.

**Commen-
datarij.**

Commendatarij autem, qui in Religione aliqua professionem fecerunt, de obseruationis votorum negligentia confundantur. Eoq; magis, quòd se

se sciunt, quàm ægrè ferre soleant: sibi ab alijs præstitam fidem non seruari, vtq; de his, qui sibi aliquid promiserunt, plerumq; ob violatam fidem poenas sumant.

Confundantur famuli, quòd adeò Famuli. sint soliti in dominorum gratia ineunda: quam si diligentiam in Dei seruitio adhibuissent, quantò citiùs, quamq; veriore gratiam inijsent? Seruire enim Deo regnare est.

Cogitent iudices, quanta seueritate in reos sententiam ferant: confundantur verò, quòd Dei iudicium de quo scriptum est: Iudicium durissimum his qui præsumunt, fiet: nec secum diligenter reputent, nec per horrescant.

Confundantur aduocati, quòd cùm Aduocati. alienis causis patrocinium ferant, sint tamen conscientia propriæ magno-pere negligentes: nec verò idcirco efferantur, quòd sua alios videant

opera indigere: indigent enim & ipsi multorum auxilio, in his quæ ad animam pertinent.

Medici. Confundantur medici cum cogitant, quemadmodum ægrotos tractent, quando sciunt, cum in morbum ipsi inciderint, quanta velint valetudinem suam diligentia procurari. Cogitent etiam animarum suarum vulnera: eoque confundantur quod cum medici appellentur, peritiores tamen sint inducendi in se morbi, quam pellendi.

Mercatores. Confundat mercatores sollicitudo ea, quam in emendo vili, caroq; pretio vendendo adhibent: ea propter ignorantes, quod regnum cœlorum, quod gratis datur, cōparare nesciunt: emunt verò infernum, quod magno & pretio emitur, & dolore possidentur.

Vt

*Vt verò etiam ad reipub. artifices
veniamus.*

Confundantur sartores, qui tan- Sartores
tum in conficiendis alienis vesti-
bus studium adhibent, cum sint ipsi
tamen innocentiae vestis acceptae in
baptismate valde negligentes.

Confundantur praeterea sutores, Sutores
qui cum in durissimum etiam corium
acu penetrent, in se tamen diuinas
inspiraciones penetrare non sinant.

Et quis autem possit de feminarum Feminae.
statu pro dignitate differere, his prae-
sertim temporibus, quibus est tanto-
pere vanitas hominum aucta?

Confundantur itaq; virgines, quod Virgines.
saepè statuerint nubere. Et si enim id
licitum est, quantò tamen satius Chri-
sto solo sponso esse contentas? atq; es-
sent quidem ipsae Christo solo conten-
tae, si eum quanto possent amore dili-
gerent.

Confundantur maritatæ, quòd in ornandis se sint admodum diligentes, eiusq; rei causa tam multa infumant: contra verò in eo negligētissimæ sint, vt Christum induant. Cùm se torquibus aureis ornant, meminerint ferreas fuisse Christi catenas, eique ignominia causa iniectas. Cùm autem manus armillis ornant, ligatas Christi manus fuisse recordentur. Cùm porrò se vestibus albis elegantia causa induunt, fuisse Christum alba veste indutum ignominia causa meminerint. Et confundantur non ipsæ modo, sed etiam viri, qui cùm eiusmodi vestium lautitias ferunt, Christi vituperijs gratiam parem non referunt. Quod si illæ manuum suarum opera considerent, detrahent credo digitis annulos, vt ijs qui ornamento digni non sunt, cùm foeminis Christianis opera indigna fecerint.

Maritatæ. Confundantur viduæ, quæ viro:
rum

rum mortem tam ægrè ferunt, quod cum ipsis Deus omnia impedimenta perfecti in se amoris abstulerit: tanto beneficio adeo ingratae sint, ut sibi melius cum creatura fuisse, quam cum Creatore, adeoque Deum spernere, impatienter lata virorum morte, significare videantur. Conqueruntur enim ereptos sibi viros: sed profectò de illis æquius conqueretur Deus, qui se ab illis sperni videat. Confundantur ergo illæ, audiantque in hæc verba conquerentem Dominum: Medereliquerunt fontem aquæ viuæ, & foderunt sibi cisternas dissipatas, quæ continere non valēt aquas: Itemque illud: Quid inuenerunt in me iniquitatis, quia elongauerunt se à me?

Atque hæc de statibus dicta suffi. Videtur. ciant, ne propositam breuitatem excedere videamur: simul etiam quòd facile sit ex dictis reliqua colligere:
 & si

& si quis ea quæ diximus diligenter cogitet, se confundendi occasionem semper habere.

Confundat nos
Memoria

Iam ut ad interiora veniamus. Confundere, o homo, de memoria tua: cum enim hanc admirabilem potentiam tibi scias a Creatore in id esse datam, ut sui posses & semper, & suauiter meminisse: tu tamen in ea vilia quam plurima reposuisti, hisque eam ita occupasti, ut vix eius qui eam dedit posses recordari: itaque fit ut nulli ipsa minus quam Creatori seruiat. Confundere igitur quod ea in Domini sui iniuriam abusus sis, quodque cum in mentem tibi sæpe reducatur, ab Ecclesia quidem qui sis, admoto quotannis cinere capiti, atque illis verbis additis: Memento homo quia pulvis es, & in puluerem reuerteris: à scriptura verò, nunc quidem finis tuus, cum dicit: Memorare nouissima tua: nunc verò ea quæ causa
tua

tua Christus passus sit, cum dicit: Recordare paupertatis, & transgressionis meæ, absynthij & fellis: alias autem sæpe alia: tu tamen nihil minus quam hæc, & huiusmodi alia meminisse videre: & meritò flere debeas, & cum Propheta dicere: Renuit consolari anima mea, memor fui Dei, & delectatus sum: eoq; magis confudi, quod in Dei aliquando obliuione fueris recreata.

Iam verò, ut ad intellectum tran- ^{Intellectus}seamus, quantus se in eo confusionis campus aperit? qui cum intelligat se in eum finem creatum esse, ut summum bonum intelligeret, sæpe tamen non vana modo, inutilia, & transitoria, sed pessima etiam cogitat: atque in ijs denique occupatur, quibus intelligit minime debere esse intentum. Flendum tibi certè est malum hoc, & quanta possis confusione deplorandum.

Quid

voluntas.

Quid autem de voluntate dicemus, qua cum Deum super omnia deberes diligere, ea tamen fueris prosequutus, quæ vel etiam cogitare pudeat, nedum dicere? Quid tibi inquam dicam, O cæca voluntas, quæ bonis æternis sensuum delitias prætulisti? quam cum dulcis Dei charitas in Seraphynorum choro posset constituisse, mundi fœdus amor in inferna deiecit. Meritò quidem, ò Anima, tuæ te debent potentiæ confundere, in quibus tam fœdatam videas imaginem Dei: possis tu quidem eas & debes cum dolore ijs verbis reprehendere: Ecce Adam quasi vnus ex nobis factus est: deq; eis in hunc modum conqueri: Qui vos, o potentiæ, o imago Dei, quis inquam vos perdidit? quis tibi o memoria Dei memoriam abstulit? quis tibi o intellectus mentem eripuit? quis te decepit, o voluntas? O quam illud quadrat in
te

te, o Anima, facti sunt principes eius, sicut arietes non inuenientes pascua. More enim arietum cū pascua non inueniunt, potentiæ tuæ, quasi in Deo pascua non haberent, venenata pascua quæsierunt: adeoq; ea causa viribus defectæ sunt, vt magna debeas confusione confundi.

Ad sensus transiamus.

D Edit quidem Deus oculos, vt Oculi.
 creaturarum pulchritudine cōspecta, in re omni se amares, ipsiq; pro omnibus gratias ageres: tu vero contra quæcunq; vides consumis, aut ira veluti incendens, aut avaritia concupiscens. Itaq; cum oculi tui coram Deo esse deberent, sicut oculi ancillæ in manibus dominæ suæ basilisci (qui quæcunq; conspicit visu interficit) oculi facti sunt. Confundere igitur quod lumen tibi datum in tenebras verteris: quodq; aures & sanctis
 inspi-

Aures. inspirationibus claudis, & murmur-
 ationibus aperis: quod qua deberes
 Lingua. Deum lingua benedicere, hominibus
 maledicis: quod cum sollicitus sis ne
 Nares. quicquam malè oleat, graue olens ta-
 men peccatum non sentis: quod de-
 niq; durum esse videatur, si quid est
 pro Christo patiendum, suaue vero sit
 Taetus. quod pro mundo pateris.

Deplora itaq; sensuum mala, atq;
 eius rei memoria humiles tibi, & con-
 fusionis plenas lachrymas exprimat.
 Quod si necdum satis hæc sunt, te
 Caput. caput tuum confundat, quod spinis
 Capilli. pressum non sit: confundant capilli
 Manus. quod non sint euulsi: manus autem &
 Pedes. pedes, quod non transfixi clavis: re-
 liqua te deniq; membra confundant,
 quod cum nisi Dei virtute moueri non
 possint, fueris tamen tu pedibus Chri-
 stum persequutus, manibus autem at-
 que operibus ipsum vulneraris, & lin-
 gua læseris. Deniq; si rectè rem re-
 putes

putes, tu tibi magna solus confusio-
nis materia es : nec enim est in te
quicquam, de quo si diligenter cogi-
tes, non debeas magnopere confun-
di. Quod si in te sint, quæ non intel-
ligas, vel ea causa maxime confundi
debes, quod te ipse plenè non noue-
ris. Nam vel quæ sit anima, aut quid
in se habeat, aut corpori quemad-
modum vnita sit, deniq; vt sit à cor-
pore separanda, si ex te ipse quæras,
scio, non poteris respondere. Quod
si in rebus proprijs tam es inscius,
quam eris obsecro in alienis? Illud in-
terim verum est, & in his, quæ de te
scis, & in his quæ ignoras, magnam
tibi confusionis materiam suppetere.

Quod si mihi quisquam hoc loco Bonzi
obiiciat, non in bonis, sed in malis
tantum operibus confusionis causam
reperiri, id ego negauerim: puto enim
in bonis etiam propterea nos debere
confundi, quod ad bonum simus ad-
modum

TRACTATUS

QVEMADMODVM

*cœlestium rerum con-
templatione possimus
confundi.*



Ix scio quibus possim
verbis de cœlestibus
dicere, qui ne in ter-
renis quidem pro
dignitate, quanta in
his confusionis cau-
sasit, potuerim de-

clarare.

Est quidem certè, vel in sola cœle- Confun-
stium motuum contemplatione ma- dunt nos
gna confusionis materia, si cum tam Cæli.
admirabili ordine, nostrorum actuum Planetæ.
inordinationem conferamus. Iam ve-
rò de Planetis quid dicam? quos sci-
mus semper & à superioribus recipe.

D re,

re, & quam receperint virtutem perpeuo inferioribus communicare?

Vnus ex rebus omnibus homo est, qui sibi, quo minus à Deo cœlestia bona recipiat impedimento est: eaq; cùm receperit, alijs negligit impartiri.

stellæ.

Cumq; cœli omnes, & stellæ solis lumine vestiantur, vnus homo solis iustitiæ lumine indui recusat: magisq; (quemadmodum est) tenebras diligit, quàm lucem.

Angeli.

Quod si Angelos contemplemur, quantum eorum quæso nos puritas atq; innocentia confundet? quantum id, quòd eorum tanta, & sapientia, & charitate præditorum consilia tam necessaria negligimus? Deficient me quidem verba nostram pro dignitate confusionem explicare volentem, siue cum Seraphinorum amore tepiditatem nostram, siue cum Cherubinorum scientia, nostram ignorantiam comparemus.

Quòd

Quòd si cui fortè videbitur subli- Sancti.
 miores esse Angelicos spiritus, quàm
 ut cum his pulvis noster & cinis de-
 beat comparari: ad sanctos veniamus,
 qui carne & sanguine constiterunt:
 neq; eis (quanquam hominibus) hu-
 mana fragilitas impedimento fuit,
 quò minus pro Dei honore magna
 quædam, & admiranda opera perpe-
 trarent. Cælestium itaq; hominum, Martyres
 terrenorum facta confundant: Mar-
 tyrum quidem in tormentis constan-
 tia, & virtus, nostram in propositis
 inconstantiam, atq; infirmitatem: Con- Confes-
 fessorum verò pænitentia, vitæq; fores.
 austeritas nostras delitias: virginum Virgines.
 autem puritas, maximeq; nostri Do-
 mini, turpitudinem nostrā cōfundat.
 Atq; illud etiam, quòd sacratissimæ
 Virgini cū simus obligatissimi, pro- Mater
 pter filij educationem, qui esset pro Dei.
 nobis parti in cruce offerendus, gra-
 tiam tanto beneficio parem nunquam

rependimus : quin etiam sumus ingra-
ti, adeò, vt nec ab ea misericordiam
petere prę pudore audere deberemus.

Christus. At in verò in Christi consideratio-
ne, quis possit pro dignitate confun-
di ? aut quæ hic profunditas confusio-
nis satis esse potest, vbi quis conside-
rat Christum, quod vnicum habet re-
medium, atq; confugium ita spreuisse,
vt possit ille meritò dicere: Proiectus
sum à facie oculorum tuorum ? Eius
enim pedum vulnera, segnities tua, &
torpor inflixit: tua eius latus inobe-
dientia aperuit: manus eius opera tua
clauis confixerunt: tua illi lingua fel
propinauit: postremò, tua eius caput
superbia spinis cinxit. Atq; vt vno ver-
bo dicam, nihil est in Christo quod
cùm videas, non debeas meritò con-
fundi: siquidem scriptum est: Confun-
datur superbi qui iniuste iniquitatem
fecerunt in me.

Iam verò quid dicemus de confu-
sione,

sione, quam Sanctissimæ Trinitatis ^{Sacratif-}
 conspectus affert? aut quanta erit co- ^{fima Tri-}
 ram Deo confusio, si coram dæmone ^{nitas.}
 tanta fuit? Quibus porro oculis aude-
 bis patrem æternum aspicere, qui eius
 vnicum filium ab illo missum, vt à te
 dissipatam hæreditatem recuperaret,
 non solum (vt par erat) non excep-
 isti, sed in crucē etiam adegisti? Quam
 reddes Deo pro credita tibi hæredi-
 tate rationem? Quid verò pro his quæ
 ab eo accepisti, & temporalibus, & spi-
 ritualibus bonis respondebis? Quid
 porrò dices Dei filio, qui pro te omnia
 passus est? potest quidem ille meritò
 hominibus dicere: Confundantur ho-
 mines, quòd cùm ego Deus è cœlo in
 terras eorum causâ descēderim, proq;
 eorū salute homo fieri dignatus sim,
 nolunt illi tamen mea causâ peccati
 sordes relinquere. Confundere ò ho-
 mo, quando prius ego te dilexi, quàm
 tu me diligeres: prius ipse seruiui ti-

bi, quam mihi seruires. ò dura hominum corda! ò ferrea pectora! qui cū me alligatum columnæ videant, flagellis cæsum, & vulneratum amore, alligari peccato malunt, quam mihi adhærere meoq; mundi amorem honori præponunt: nec intelligunt quā sauis à dæmone flagellis cædantur peccatorum vinculis colligati! Dedi ego homini viscera mea, quibus tanquam firmissimæ columnæ complexu adhærescat: contemnit ille tamen, eaq; sequitur, quæ ipsum coram me meritò condemnent. O hominum ingratitudinem! ò insensatas humanas mentes! mihi seruiunt bruta, me arbores atque herbæ laudant, vnus ex omnibus homo non agnoscit: sed more rabidi canis, qui dominū suum morsu petit, contra me insurgit: dignus quem terra dehiscens absumat. Confundere, ò homo, pro quo Agnus mansuetus factus sum, & leo esse ferox tãdem

dem aliquādo desine. Amplector ego te charitate, tu me cupiditatis flagellis cædis: cumq; ego te pretiosis humilitatis margaritis ornem, tu meo superbiæ spinas capiti infigis. Intelligant aliquando homines, non arcis includenda, sed in pauperes eroganda bona accepisse. Considerent quanto pere à me diligentur, quos ego, ab ipsis in carcerem coniectus, inferni carcere eripiam: quemq; illi non desinunt ingratitude crucifigere, ego charitate in charitatis viam reduco. Confundere, ò homo, quem cum aspiciunt Angeli, tum contēptui habent, & decipiunt dæmones, atq; in conspectu meo condemnant. Confundere inquam, & iudicium meum time, qui nisi hic confundaris, & peccata tua fleas, magna te manet, & amara confusio. Quem verò non confundat, q ego Deus, & Dominus, venatoris more perpetuo homines insequor, ne mi-

hi qui tanti constiterint fortè pereant: illi verò me tanquam venenosum serpentem semper fugiunt? Cur me non timent, & mea iudicia? Cur non vitam mutant, qui mortis nec horam, nec diem sciunt?

Quid autem Spiritui sancto respondebis, aut quo ipsi ore loqui audebis? qui ei toties animæ tuæ portas occluseris, eumq; à te (vt dæmonem reciperes) impiè, atq; impudenter occluseris? Confundimini ò miseri homines, quos cum Deus creavit, vt essetis filij patris vestri, qui in coelis est, digna tamen cælesti patre opera vix unquam faciatis. Est in eo infinita mansuetudo, & benignitas, paratusq; semper est peccata remittere: vos verò iniquitate pleni, non solùm factas vobis iniurias non condonatis, sed his etiam qui de vobis nihil malè meruerunt, iniuriam facitis. Est in eo summa bonitas, qua inimicis etiam, dum
eos

eos semper conseruat, benefacit: vos autem etiam amicis malè facitis. Est in illo æterna sapientia, & prouidentia admirabilis, qua vniuersum moderatur: in vobis autem insigne omnia perdendi studium, modò vt soli regnare possitis. Sed vos per Prophetã Deus ita reprehendit: Nunquid habitabis vos soli in terra?

Conclusio operis.

Me non materia, sed tempus deficit: sint itaq; satis hæc sapienti lectori, qui possit ex paucis multa colligere, & confusionis fructum consequi: si præsertim assidue, & diligenter in his se exerceat: quod quisq; debet eo maiori studio facere, quòd in eo maxima spiritualis fructus pars posita sit, vt nostram infirmitatem & miseriam agnoscamus. Quod qui consequuti sunt, atq; eiusmodi fundamento iacto ædificare cœperunt, possunt illi reliquam
partem

partem tutò superextruere : nam qui
secùs opus ædificant, his cùm altius
opus surrexerit, solet corruere. Acci-
dit enim vt orationis consolationes,
quæ ad virtutes solent conferre, nisi
humilitate conseruentur, in falsas fal-
lacesq; consolationes euadant. Ita
boni desideria, bona quidem sunt, sed
si ea nobis ita tribuamus, vt non Dei
esse beneficia agnoscamus, cùm ma-
gnopere fallimur, tum non possumus
tam infirmo iacto fundamento, quic-
quam firmum extruere. Quamobrem
qui sua vult opera esse perfectà, ea &
confusione incipiat, & conseruet, nec
nisi confusione comitante progredi
quoquam audeat : ita fiet, vt qui con-
fusionem nunquam deserit, à Deo
nunquam deseratur : qui cor contri-
tum & humiliatum nunquam despi-
cit, sed cum humilibus libenter con-
uersatur. Hanc possumus dicere nu-
ptialem vestem, qua qui erit indu-
tus

tus à nuptijs non excludetur. Hoc est insigne filiorum Dei : hac indui oportet, qui Christum sequi velit, quando ipse ea ita indutus est, vt diceret : Tota die verecundia mea contra me est, & confusio faciei meæ cooperuit me. Quod si etiam Christi faciem confusio cooperuit, qui est Angelorum speculum, & Sanctorum gloria, cur non ea peccatoris facies cooperiatur? aut quis nisi ea indutus in Dei conspectum venire audeat, cùm scriptum sit : Induantur qui detrahunt mihi pudore, & operiantur sicut diploide confusione sua? Attende porro dicentem Dominum : Super quem requiescet spiritus meus, nisi super humilem, & contritum spiritu, & tementem sermones meos? Quod si iustos etiam induit Deus confusione, non est quòd se putet peccator sine ea viuere posse : cùm præsertim non solum iusti in terra, fed

sed etiam in cælo sancti veste hac induti sint. Quod vel ex illis Euangelij verbis intelligi potest, quibus Christum in die iudicij ita alloquuntur: Quando te vidimus esurientem, & paupus te? id enim dicunt tanquam admirati, tam parvis operibus, tanta se præmia meruisse: id quod satis Augustinus indicat, cùm sic dicentes inducit: Domine cur tantum, & talem nobis gloriam præparasti? Quod si hæc nos humilitas in cælum euehit, æquum est eam hic amplecti, eiq; nos tanquam tabulæ in naufragio credere neque dubitare futurum, vt ei innixi, periculoso miseræ huic vitæ pelago traiecto, in celestem tandem aliquando portum Dei misericordia perueniamus. Amen.

TRACTATUS

DE PRAEPARATIONE

AD SACRAM

EVCHARISTIAM.



DOMINE DEVS

omnipotens, crea-
tor omnium, om-
nia obediunt tibi,
& a te sibi profi-
xum ordinem ser-
uant: soli homines,

in quibus ego miserrimus sum, à tua
voluntate recedimus. Id quod non
solum à me peccatum esse, sed alios
etiam volui meæ esse voluntati ob-
sequentes, nec homines modo ad
imaginem tuam factos, sed etiam
elementa volui mihi inferuire: adeò-
que si secus accidisset quam vole-
bam, ægrè tuli, vti si cuncta ipse
creas-

creassem . Cui quanto fuisset æquius
si omnia restitissent, atq; in meam cun-
cta mortem conspirassent, qui tua ip-
se fuisset mandata transgressus? Sed
misericordia tua factum est, **ut** nec
in me illa iniurias tuas ulta sint, nec
de me ministri iustitiæ tuæ, meiq; ho-
stes dæmones pœnas sumpserint. Dis-
simulasti haftenus Domine Deus
meus, mihiq; poenitiæ tempus
bonitate tua immensa concessisti,
quò possem videlicet cecitatem meam
agnoscere, atque aliter quam antea
vitam instituere. Eaque causa mul-
tis me mirandisq;, modis, nunc con-
cionibus, nunc lectionibus, aliàs ve-
ro inspirationibus sæpe admonuisti:
quæ tamen omnia cum facilè obli-
vioni traderem, nullas in me firmas
radices iaciebant. Sed cum medi-
cina tua omnia vulnera mea (quan-
quam maxima) longè superaret, ad-
didisti id etiam Deus meus, **ut** mi-
hi

hi te omnia visibilia prædicarent. Videbam morientes homines: cunq; nemini viderem mortem parcere, sed vitam nostram aliquo tandem fine concludi, mouebat me quidem res hæc, finemq; vitæ contemplanti, lux quædam effulgebat: sed, heu, facile inde mens auocata, in solitas facile tenebras recidebat: nec me (quæ tua clementia semper fuit) vnquam, quamquam id sæpe meritum, deseruisti, quin etiam alia subinde, atq; alia remedia adhibebas. Cumq; satis tanto malo non essent visibilia hæc, tu ipse domine proprius accessisti, dormiētem excitasti, & ad cor meum dulciter allocutus, ita inuitasti, quasi te nunquam ego offendissem. Quod si ego beneficium, vt par erat, agnouissem, vel id vnum me semper in officio continuisset: sed, heu, offendi te sæpius, sæpiusque necesse fuit subinde cadentem à te leuari. Quandoq; dolendum mihi magis,

gis, magisq; est, cùm mihi tam sæpe experta benignitas tua humiliare maximè debuisset, diuinaq; consolatio tua ad id valeret, vt passionem meas facilius mortificarem: tantis abusus beneficijs, humilitatisque, & mortificationis propriæ oblitus, tuis etiam donis efferebar, aliq; eorum me causa præferebam, quæ me magis magisq; humilem reddere debuerant. Neq; id tibi satis fuit, Domine Deus meus, vt me defereres, quod in rem meam à te facta, in proprium ego damnum cuncta conuertebam: sed adiecisti plura, maioriq; mecum misericordia vsus, consolationem tuam, quæ mihi superbiæ causa erat, subtraxisti: vt vel sic agnoscerem tuum esse donum, quod nisi te dante habere non possem, nec te auferente; paulisper etiam retinere. Et (quod mihi reliquis maius videtur) me ita rursus consolari dignatus es, quasi

quasi ego, ut me consolatione priua-
res, non meruissem. Quid retribuam
tibi, o Domine, pro omnibus quæ re-
tribuisti mihi? Sufficere hæc quidem
mihi debuerant, ut tuas laudes nun-
quam intermitterem, sed mea rursum
iniquitas in aliud malum coniecit: cū
enim frequenter experirer consola-
tiones tuas, his, tanquam mihi debe-
rentur, uti coepi: cumq; noua semper
beneficia esse agnoscere debuissē, atq;
in singulis consolationibus, charita-
tem tuam & misericordiam renoua-
tis laudibus confiteri, cum tu benefi-
cia renouares, nouam ego ingrati-
tudi-
nem pro gratia referebam. Vfus es etiā
hic Domine misericordia tua, lumenq;
quo malum istud agnoscerem, & agni-
to morbo remedium quærerem con-
cessisti: quo etiam viderem, quoties
ipse mihi impedimento fuisset, tuisq;
vocationibus restitissē: tu verò meā
quanta cum charitate semper salutem

E quæ.

quæsiſſes. Intelligo id iam Domine, me mihi damnationis cauſam eſſe, atq; id agere vt peream: te verò id velle, atq; id quærere, vt ſaluus ſim. Quod cum ita ſit, cur ſim tam cæcus, tam vero mihi inimicus, vt à me non quàm longiſſime abeam, teq; vnum ſequar, quando ego mihi mortis, tu mihi vitæ cauſa es: iuſtumq; eſt, vt cum deſero voluntatem tuam, meamq; facio, me creaturæ tuæ eò vſq; perfequantur dum perimant. Nam ſi tibi obediens ſum, omnia mihi ſcio eſſe dulcia futura, quando omnia ſeruiunt tibi, cui velim ego ad mortem vſq; obedire. O immenſa bonitas, & vnicum peccatorum refugium, miſereat te miſeri huius, quem proprio ſanguine redemiſti. Scis Domine quàm infirmus ſim, vtq; ſatis non fuerit vocaſſe te, & propria manu cor meum tetigſſe, ſed eſſe neceſſe, vt nunquã inſpirare intermittas, meq; ſemper mouere,

uere, vt faciam voluntatem tuam: alioqui si taceas, ero similis descendentibus in lacum: & simulac deserueris, me ipse perdam. Fac Domine agnoscam, quid tibi debeam cum sancta inspiras, quantaq; debeam diligentia exequi quod iubes: in eo enim frequenter pecco, quod tuas inspirationes negligo, vel eis remisse admodum obtempero. Agnoscam, inquam, Domine, quanta misericordia sit quod iubes, quantoq; amore iubes. Agnoscam etiam quam tuis præceptis obedientiam, & diligentiam debeam: etenim si terrenorum regum præceptis tanta cum diligētia obeditur, tantoq; honori ducitur eorum iussis parere, quanta par est tua iussa & obedientia, & solitudine capessere, qui es tu Rex Regum, & dominus dominantium? Agnoscam te cum inspiras, qui sis, & ego cui loqueris, qui sim: agnoscam, inquam, te qui iubes creatorem esse &

cinerem, finem autem præcepti nominis tui sanctificationē, cui gloria omnis, & honor debetur. Intelligam etiā præmium, quod ijs qui humiliter, & diligenter tua mandata fuerint executi, in coelis præparasti. Video quidem, o coelestis pater, indignum me esse qui exaudiar, sed si respicis filium tuum unigenitum, per quem id peto, si eius merita, & quod pro me soluit sanguinis pretium attendas, exaudies orationem meam. Cùm præsertim ille nobis ita promiserit iamiam moriturus, quidquid in nomine eius à te peteremus, nos esse consecuturos. Aequum est itaq; Domine, ut fiat quod ille promisit: cùm præsertim, nisi ita fiat, nos uti debemus voluntatem tuam facere non possimus.

Præ-

P R A E P A R A T I O A D S A -
cram Eucharistiam.

Quibus diuina misericordia concessum est, vt sacrosanctum Sacramentum frequentent, hos tribus ante diebus habitationem tanto hospiti præparare non pigeat.

Et primo quidem die supplicandum erit æterno patri, vt per eam charitatem, qua sic dilexit mundum, vt filiū suum vnigenitum daret, sic etiam mouit patrum sanctorum, Patriarcharū, & Prophetarum corda, vt filij sui charissimi aduentum magnis precibus flagitarent: quippe qui diuino lumine illustrati, intelligerent in illo vno suam esse salutem positam, perq; horum etiam merita, lachrymas, & desideria, nostra dignetur ad hoc sacrosanctum sacramentum corda præparare, quando veritatis ore dictum est: Nemo potest venire ad me, nisi pater qui misit

E 3 me,

gratiam impetret: offerendæ autem ei nouem Angelicæ salutationes.

Prima quidem, commemorando eius desiderium, quo tanquam peccatorum mater Domini aduentû, adeoq; humani generis remedium tantopere expectauit: simul etiam supplicando, vt ipsius meritis, & Dei, & salutis animarum feruentia desideria consequamur.

Secunda verò, illam ipsius præparationem commemorando, quam habuit semper ad diuinam gratiam: simulq; supplicando, vt nobis à Deo dignam ad sacramentum hoc præparationem impetret.

Tertiam verò offeremus, cum humilitatis eius memoria, qua Dei filium in incarnatione suscepit: atq; vt idem nos eum humiliter recipiamus supplicabimus.

Quartam autem, in eius amoris memoriam, quo sine dolore natum com-

plexa est, supplicantes vt eum nos itidem charitate amplectamur.

Quinta erit in doloris memoriam, qua de cruce depositum suscepit in gremio: petemus verò, vt cum passionis CHRISTI sensu eum recipiamus.

Sexta verò, in eius fidei memoriam, qua eum quem resurrecturum sperabat, in sepulchro posuit: petemus verò, vt cum incremento fidei Christum suscipiamus.

Septimam offeremus, supplicantes vt per præparationem quam ad Spiritus sancti aduentum pro se, & Ecclesia tota fecit, nobis à Deo gratiæ incrementum obtineat, quò dignè Christum suscipere valeamus.

Octauam autē, vt per deuotionem, qua Christum ipsa in Sacramento suscipiebat, nos etiā deuotè suscipiamus.

Deniq; nonam cum offeremus, supplicabimus, vt per gaudium & lætitiā, qua

qua à filio in die Assumptionis recepta etiam in cælum, nos itidem Christum cum spirituali gaudio recipiamus.

Dies secundus.

Secundo die supplicandum Christo, vt qua charitate dignatus est in mundum venire, eumq; morte æterna eripere, nos suo aduentu viuificet: quando ipse dixit, nos nisi eius carnem manducemus, vitam habere non posse.

Oratio matutina.

Excita quæsumus Domine potentiam tuam, & veni, vt ab imminenti-
bus peccatorum nostrorum periculis te mereamur protegente eripi, & te liberante saluari. Qui viuis &c.

Toto hoc die in eo ponenda est opera, vt Christi sanguine conscientia nostra mundetur: eaq; causa meditandæ erūt septem sanguinis Christi effusiones, videndumq; qui nobis ornamentis
desit

desit, atq; id omne à Christo petendum, quem sumus ipsi hospitio suscepturi: supplicandumq; ei, vt suis diuitijs, diuinoq; cordis sui thesauro paupertati nostræ subueniat. Inde enim expectandum cuiq; est, quoad ad ornandum domum nostram fuerit opportunum. Petemus verò id his verbis, quæ excitatoriij loco esse poterunt.

Excitatorium.

O Rex gentium, & desideratus earum, lapisq; angularis, qui facis vtraq; vnum, veni salua hominem, quem de limo formasti.

Aliud excitatorium.

Esursum agnus mittitur laxare gratis debitum, omnes pro indulgentia vocem demus cum lachrymis.

Vesperadeunda erit mater Dei, cuius nobis manibus hic panis datus est: orandumq; vt quando hoc sacrum conuiuium in crucis mensa apparatus est, per eos quos sensit ad crucem do-
lores,

lores, nobis hanc à Deo gratiam impetret ; vt filij sui passionis participes simus.

Offeremus verò ipsi quinq; orationes Dominicas, totidemq; salutationes Angelicas supplicantes efficiat suis precibus apud Deum, vt Christi quinque vulnera in cordibus nostris imprimantur.

Dies tertius.

Die tertio supplicandum Spiritui sancto, vt qua charitate Apostolorum corda, & ad se recipiendum præparauit, & adueniens die Pentecoste repleuit: nostra corda inflammet, atque ita præparet, vt eum toto corde totisque viribus amemus, qui se nobis ex tanta dedit charitate. Id vero hisce verbis petendum.

Oratio matutina.

Mentes nostras, quæsumus domine, paracletus qui à te procedit illuminet, & inducat in omnem sicut tuus promisit

misit filius veritatem . Qui tecum vi-
uit, &c.

Hoc die conandum est, vt eò sint fer-
uentiora desideria, vehementioresq;
affectus, quò prior est solennitatis
dies: eorumq; more, qui ostia claudūt,
quo possint domum commodius or-
nare, claudendi erunt sensus, & animæ
potentiæ ad interiora reuocandæ: vo-
candus autem hospes sæpè his verbis.

Exercitatorium.

Veni creator spiritus, mentes tuo-
rum visita, imple superna gratia, quæ
tu creasti pectora.

Aliud Exercitatorium.

Hierusalem surge, & sta in excelsis,
& vide iucunditatem, quæ veniet tibi
à Deo tuo.

Vesperis oranda erit sponsa Spiri-
tus sancti, & peccatorum mater, perq;
eam Spiritus sancti gratiam obtestan-
da, qua templum Sanctissimæ Trinita-
tis facta est, nostræ vt perpertati suc-
currat,

currat, cui ille suum ita aduentum promisit: Si quis diligit me, sermonem meum seruabit, & pater meus diliget eum, & ad eum veniemus, & mansionem apud eum faciemus.

Recitanda verò septies, Aue Maria, quo dona Spiritus sancti impetremus.

Ne verò post communionem in ingratitudinis vitium incidamus, in gratiarum actione tres item dies consumemus.

Primus dies.

Primo die agenda gratiæ patri æterni pro creationis beneficio, quod in communione renouatum est: quos enim sua bonitate ad imaginem, & similitudinem suam crearat, eadem nos in Eucharistiæ sacramento renouat, suamque in nobis fuerat peccato deformatam, imaginem reformat.

Recitabimus autem versus hos nomen, & cælestes creaturas ad patris nostri, qui in cælis est, laudes in hunc modum

dum inuitabimus.

Benedicite omnia opera Domini Domino, laudate, & superexaltate eum in secula.

Benedicite Angeli Domini Domino, benedicite cæli Domino.

Benedicite aquæ omnes quæ super cælos sunt Domino, & Benedicite omnes virtutes Domini Domino.

Benedicite Sol, & Luna Domino, Benedicite stellæ cæli Domino:

Benedicite imber & ros Domino, benedicite omnis spiritus Domini Domino.

Benedicite ignis & æstus Domino, Benedicite frigus & æstas Domino.

Benedicite rores & pruina Domino, Benedicite gelu & frigus Domino:

Benedicite glacies & niues Domino, Benedicite noctes & dies Domino.

Benedicite lux & tenebræ Domino: Benedicite fulguræ, & nubes Domino.

Hoc

Hoc inquam modo creaturas inuitabimus , vt pro nobis Deo gratias agant, pro illis inquam beneficijs in sacramento præstitis , quorum nos vel verba ista cantici admonent: Fecit enim nos ex hominibus Angelos, ex terrenis celestes , effusisq; in nos gratiæ & lachrymarum aquis , admiranda suæ charitatis opera declarauit : Illuminauit sole iustitiæ, vt præsentis vitæ lunam , id est , inconstantiam contemneremus : conuertit cordis nostri frigus in suæ charitatis ardorem , nostrasq; luce sua tenebras depulit : grandinem deniq;, fulgura, & nubes affectuum nostrorum remouit. Ita versus prædicti, non tantum gratiarum actiones , sed etiam monimenta quædam erunt beneficiorum Dei, in Eucharistiæ sacramento acceptorum : si videlicet per verba singula Dei beneficia in sacramento præstita recolamus.

Inter-

Interdiu excitanda mens erit, & hoc subinde exercitium ita renouandum.

Excitatorium.

Benedicimus Deum cœli, & coram omnibus viuentibus confitebimur ei, quia fecit nobiscum misericordiam suam.

Aliud Excitatorium.

Benedic anima mea Domino, & omnia quæ intra me sunt nomini sancto eius, qui propitiatur omnibus iniquitatibus tuis, qui sanat omnes infirmitates tuas.

Vesperī ad Reginam nostram & Dei patris filiam adeundū, recitataq; ter salutatione Angelica, agendæ ei gratiæ, de præparatione ipsius ad incarnationis mysterium, quo tanquam medio ad nos cœlestis hic panis peruenit: maximum verò id est beneficium, quòd quamederimus, caro, & quem bibimus, sanguis ex virgine acceptus

acceptus sit: quodq; eius meritis, & precibus, & ad Christum suscipiendū digne præparemur, & nostra nobis à Deo peccata remittantur: quare pro omnibus Virgini agendæ sunt gratiæ.

Dies secundus.

Diei secundi matutino tempore, Christo Dei filio & Domino nostro de redemptionis beneficio, cuius hoc sacramentum monumentum est, gratiæ agendæ: inuitandaq; terra ad Dei laudem, quam sibi Dei filius tanta benignitate factus homo coniunxit: dicendumq;, Benedicat terra Dominum, laudet, & superexaltet eum in secula: ascendit enim ipse, assumpta terra nostra, in Caluariæ montem, vt germinaret terra nostra, quæ ex se tribulos, & spinas post Adami maledictionē producere nouit.

Benedicite montes & colles Domino. Benedicite vniuersa germinantia in terra Domino. Benedicite fontes,

F

tes,

tes, id est, lachrymæ Domino. Benedicite maria, dolorum scilicet, & sanguinis flumina Domino, qui pro nobis tantis cum doloribus sanguinem fudit. Benedicite Cete, id est, maximi quique; sancti, & omnia quæ mouentur in eiusmodi aquis, id est, reliqui iusti Domino. Benedicite omnes volucres cæli Domino, id est, contemplaturi, qui in supremo cordis nidificant. Benedicite omnes bestię & pecora, id est, peccatores Domino, qui eorum peccata remittit. Benedicite filij hominum Domino, per quem facti sunt filij Dei. Hoc inquam modo agendæ erunt Deo gratiæ, recitatis illis quinque versibus cantici, quorum iam hic fecimus mentionem.

Excitatorium ad Dei laudem.

Benedicimus Deum Cæli, &c ut supra.

Aliud anima excitatorium.

Benedic anima mea Domino, & no
li

li obliuisci omnis retributionis eius,
qui redimidit de interitu vitam tuam,
qui coronat te in misericordia, & mi-
serationibus.

Vesperiaeunda Regina, & Domi-
na nostra Dei mater, recitataq; ter
Aue Maria, agenda ei gratiæ, quod
lacte proprio, magnisq; laboribus pa-
nem hunc nobis ad victum dederit,
in Crucis ara pro nobis tanquam pro-
positionis panem, atq; in altari in no-
strum & remedium, & leuamen æter-
no patri offerendum, atq; in sacrario
ad solitudinis nostræ consolationem
reponendum. De his inquam atq; alijs
nobis in sacramento eius intercessio-
ne collatis beneficijs, erunt Virgini
agenda gratiæ.

Dies tertius.

Tertio die agenda gratiæ de bene-
ficio adoptionis, & regenerationis,
eiusq; in sacra communione confi-
rmationis. Est enim hic verè panis filiorū,

F 2 non

non mittendus canibus, id est, ijs qui ad peccatorum vomitum reuertuntur. Est inquam panis, quem cum comedimus augetur in nobis adoptionis spiritus, in quo clamamus Abba pater. Est etiam fons, in quo renouatur animæ sicut aquilæ iuuentus sua, id est, quam in baptismo accepit pulchritudo atq; innocentia: augentur enim huius panis vigore virtutes, & fides, & dona reliqua, quæ animæ in baptismo infusæ faciunt eam esse Israel.

Benedicat igitur Israel Dominum, laudet & superexaltet eum in secula. Cumq; anima se totam cum hac hostia, & sacrificio sacerdotum more Deo offerat, eiusq; virtute ex illorum numero serui simus, quibus dicitur: Euge, & intra in gaudium Domini tui (est autem Domini gaudium, se nobis in Eucharistiæ sacramento tantopere communicare, sunt enim ipsius deli-

deliciæ esse cum filiis hominum.) Benedicite sacerdotes Domini Domino. Benedicite serui Domini Domino. Benedicite etiam spiritus & animæ iustorum Domino : facit enim hoc sacramentum veros adoratores , qui Deum in spiritu & veritate adorent, vnumq; cum Deo sint charitatis vinculo, eorumq; animæ vt sint sedes sapientiæ efficit . Benedicite sancti & humiles corde Domino , per quem sancti sunt, quiq; ad ipsos tanta cum humilitate descendit. Benedicite Anania, Azaria, Misael Domino, id est, tres animæ potentia, quas tanquam tres illos pueros ab incendio liberauit suæ gratiæ rore: intellectum quidem ab ignorantia & errore: memoriam autem ab ingratitudine & obliuione : a tepiditate vero & malitia voluntatem . Laudate ergo & superexaltate eum in secula . Benedicamus patrem & filium , cum sancto

spiritu, laudemus & superexaltemus
eum in secula. Benedictus es Domi-
ne in firmamento Cæli, laudabilis &
gloriosus & superexaltatus in secula.

Excitatorium ad laudem.

Benedicamus Deum Cæli, &c. vt
supra.

Excitatorium animæ.

Benedicite Domino omnia opera
eius, in omni loco dominationis eius.
Benedic anima mea Domino qui re-
plet in bonis desiderium tuum, reno-
uabitur vt aquilæ inuentus tua.

Vesperī misericordiæ Reginam, &
Spiritus sancti sponsam adibimus: eiq;
recitata ter salutatione Angelica, gra-
tias agemus, quod charitate maxima
redemptionis nostræ causa filium pa-
tri in Cruce obtulerit. Quod si homi-
nes his quorum opera redempti sunt,
& seruitute liberati, magna se intelli-
gunt obligatione deuinctos, matri
huic misericordiæ, quæ pro libertate

no.

nostra carnem suam , suum sanguinem , amorem , vitam , bonum denique omne pro nobis dedit , quantum quæso debemus ? aut pro his atq; alijs in nos ab ipsa collatis beneficijs , quas possumus quæso grates persolvere ? non id quidem opis est nostræ , sed quas possumus tamen (nam quas debemus non possumus) & Sanctissimæ Trinitati , & Beatissimæ Virgini & sanctis omnibus referamus .

A M E N .

1. The first part of the paper discusses the importance of the study of the history of the Chinese language and the role of the Chinese language in the development of the Chinese nation. It points out that the Chinese language is the basis of Chinese culture and the key to understanding Chinese history and society.

2. The second part of the paper discusses the development of the Chinese language from ancient times to the present. It points out that the Chinese language has a long history and has undergone many changes over time. It also points out that the Chinese language has played a significant role in the development of Chinese culture and society.

3. The third part of the paper discusses the current status of the Chinese language and the challenges it faces. It points out that the Chinese language is facing many challenges in the modern world, such as the influence of foreign languages and the rapid changes in society. It also points out that the Chinese language is still the basis of Chinese culture and the key to understanding Chinese history and society.

4. The fourth part of the paper discusses the future of the Chinese language and the role it should play in the development of the Chinese nation. It points out that the Chinese language should continue to be the basis of Chinese culture and the key to understanding Chinese history and society. It also points out that the Chinese language should play a significant role in the development of the Chinese nation.

TRACTATUS

QVO SPIRITVALIS

*quædam exercitatio, ad nostri
cognitionem comparandam
in septem dies hebdoma-
dæ distributa con-
tinetur.*

PROLOGVS.



NE ex illis simus
qui acceperunt
in vanum animã
suam, duo sunt
nobis frequenter
consideranda; quid videlicet
Deus erga nos fecerit, quid
etiam

etiam nos erga Deū faciamus: vt diuturna meditatione istarum rerum ad cor conuersi cum vtilitate, infirmitatem nostram agnoscamus; & ingentia quæ quotidie à Deo accipimus beneficia, & eundem Dominum totis viribus, omniq; conatu diligamus in hac vita, vt eodē postea in perpetua illa perfruamur. Hæc exercitatio in septem partes distribuetur, vt singulis hebdomadæ diebus singulæ etiam partes respondeant. Ad calcem item cuiuscunque partis, breuis quædam oratio proponetur: aliquot præterea scripturæ verba, quorum frequenter memoria reuocata, to-

to illo die ad meditationem excitemur, illi exercitationi in materiam proposita adiungentur: quæ propterea verba, posthac excitatorem nuncupabimus. Qua ex re fructum ille sane percipiet, qui in eadem se diu exercebit. Vt enim incalescit qui ad ignem accedit, sic qui ad diuini amoris flamas orando piè vel meditando accedit, inflammetur necesse est. Age ergo anima deuota, Deo excitare, id enim tibi proponitur, quod beatorum Seraphim officium est, hoc est, sine intermissione diligere: id nobis cōcedat Dominus; Amen.

Præparatio ante exercitium.

Confessione interna conscientiam examinet, dolorem peccatorum pro viribus habere studeat, sacram confessionem proponat, coniungat orationem Dominicam cum Angelica salutatione: preceturq; Christum Dominum, ut diuinæ cognitionis lumine, igneq; sui amoris animam suam ita collustret, atque inflammet, ut suis viribus diffidens diuina bonitate nitatur, & eò etiam quòd hanc suam miseriam Redemptori nostro præsentem, & ab illo æterni Patris oculis oblatam fuisse intelligat. Et ita ad orandum sibi gratiam concedi humiliter postulabit, his verbis: Quia non possumus cogitare aliquid ex nobis tanquam ex nobis, sed sufficientia nostra ex Deo est, veni creator spiritus, mentes tuorum visita, imple superna gratia quæ tu creasti pectora.

Dic

Die Luna.

Quid Deus erga nos? perpendere me antequam essem nihil fuisse, ab eo me fuisse procreatum, ab eodem ut essem accepisse.

Quid nos erga Deum? ut à tanta illa gratiæ dignitate mea culpa exciderim, & quod ipsius manibus constructum fuerat, meis destruxerim.

Quid Deus erga nos? ut me ad suam imaginem & similitudinem conformauerit.

Quid nos erga Deum? ut ipsius imaginem ac similitudinem infecerim: utq; vili pretio adductus, tantæ rei fecerim iacturam.

Quid Deus erga nos? ut quò me creauerit, nullum aliud tanti operis pretium à me exigat, quàm ut se mihi donet.

Quid nos erga Deum? cùm id quod à me exigit tam sit mihi utile, ego
tamen

tamen nihil ab eo volui, nisi ipsum fugere, ab eodemq; discedere, quasi separatus ab eo vivere possem.

Consideratio.

Ultimo loco perpendere eius benignitatem, qui cum nosset qualis futurus essem, humanam naturam induit, ut mea crimina ipsius sanguine luerentur. Atq; ita finem impones meditando hoc incarnationis mysterium, gratias agens pro tanto beneficio.

Oratio.

Agnoscam quæso domine creator coeli & terræ, quàm bonus mihi tu, quàm malus ego ipse mihi sim: ut videns me destruere quod construis, delere quod in me depingis, eo nomine perpetuas mecum geram inimicitias, quousq; tua misericordia me con-

strin-

stringat, & ab omni crimine coerceat: sic enim fiet, vt tu omnia in me opereris. Ergo Domine, cùm tu ipse dicas: Pater meus vsq; modò operatur, & ego operor, operentur obsecro in me manus tuæ, & manus peccatoris non moueat me, vt clarificent te opera tua, & ex illis in cœlesti curia Angeli glorificent te.

Excitator.

Perditio tua ex te Israel, auxilium autem tuum ex me.



Die

Die Martis.

Quid Deus erga nos? vt me ex terra procrearit, quo me puluerem & cinerem agnoscerem, iustusq; essem meæ indignitatis æstimor, & ideo vere egenus, & pauper à Domino misericordiā semper efflagitarem.

Quid nos erga Deum? vt hoc beneficio abusus consulto a meæ indignitatis aspectu oculos remouerim, viuens quasi immortalis, a meæ imbecillitatis memoria animam auocarim; cum tamen ab eius recordatione tantus fructus proueniat.

Quid Deus erga nos? Quid in meo est capite? quid ex ore, oculis, naribus effluit? stomachus vero quid est nisi sentina quædam? quid amaritudo fælis, & vniuersi corporis corruptio, vt hæc iusto iudicio æstimem, & meam conditionem agnoscam?

Quid nos erga Deum? vt capiti puluinos molles subiecerim: hanc mei

G

cor

corporis fæditatem, quam delicatè, tractauerint, quanta temporis iactura, quo fructu; vt vermibus parare escas.

Quid Deus erga nos? quid post mortem futurus sim, vt corpus in foetorem vertetur, vt ab omnibus deferretur. Quæ omnia Deus fecit, ne in re tam vili & caduca, amorem meum collocarem.

Quid nos erga Deum? iniquus fui qui pulcherrimam animam malè tractauerim, vt foetido corpori indulgerem: qua ex re quibus stimulis in mortis articulo compungi debeo: deniq; quam male in mortali corpore amorem fixi, & immortalem animam neglexi.

Consideratio.

Perpende tanta hac naturæ nostræ feditate benignissimum Deum non fuisse deterritum, quo minus eam susciperet, & ad tot labores & acerbitates nasceretur. Et ita in meditatione myste-

mysterij Natiuitatis finem facies, ob
tantum beneficium gratias agendo
Deo.

Deo.

Domine quis est homo quia ma-
gnificas eum, aut quid apponis erga
eum cor tuum? Si tua beneficia ille
non cognouit, quia nec suam miseriam
cognoscat tandem quæso mala quæ
gessit, quia suæ fuit oblitus miseræ.
Intelligat se non intellexisse falsi ho-
noris specie deceptum. Quapropter
à te clementissime Domine peto sup-
pliciter, vt tua ope adiutus putredini
dicam, pater meus es tu, & soror mea
verminibus, & vere intelligam, teip-
sum mihi adiutorem, te refugium esse,
qui cæli & terræ verum es bonum;
cuius manibus opus manuum tuarum
me totum committo, ne me quæso
despicias. Domine. Fac vt vere possem
dicere, pater meus & mater mea de-
reliquerunt me, Dominus autem as-
sumpsit

G 2

sumpsit

sumpsit me, cui debetur omnis gloria
in secula seculorum, Amen.

Excitator.

Quasi putredo consumendus sum,
& quasi vestimentum, quod comeditur
à tinea:



Die

Die Mercurij.

Quid Deus erga nos? perpendere quanto amore meam animam tribus potētij dītauerit, vt mihi memoriam cōcefferit, vt tot beneficiorum recodatione ipsum diligerem, & tantæ bonitatis memoria repetita delectarer.

Quid nos erga Deum? Quibus in rebus meam memoriam versari sim passus: quam sit oblita suscepti beneficij: quam deberem erubescere, quod res tam turpes in eam condiderim: quodq; tam sim diligens, vt ea in hoc vas stultus inferam, quæ mihi post afferant interitum.

Quid Deus erga nos? vt menti lumen prætulit, vt veritatis lux tenebras depelleret, semperq; diuinæ misericordiæ immensum pelagus contemplarer.

Quid nos erga Deum? vt defectu cognitionis intellectum excæcauerim diuino ribellis lumini: vt vere possim

cum David dicere : Comprehenderunt me iniquitates meæ, & non potui ut viderem.

Quid Deus erga nos ? ut voluntati eam facultatem inferuerit, qua percipiebat diuini amoris dulcedinem : ut ea mihi quasi arrha quædam sit æternæ felicitatis, & mei arbitrij libertate, ac Christi meritis Deum amans, Deus quodammodo fiam.

Quid nos erga Deum ? ut meam voluntatem passus sim esse mancipium rerum, quæ tam mihi sunt acerbæ, & molestæ : & quidem quam vili me ipse vendidi, quid perdidi, quid obtinui ? perdidi vitam, lucrifeci mortem, confors diuinæ naturæ esse desij, & dæmonis feci me vile mancipium.

Consideratio.

Perpendere Christum voluisse circuncidi, & in tam tenera ætate pretiosissimum sanguinem fundere : propterea quod ego nolui in meis potentijs

tijſ ſuperflua reſecare . Et ita in meditatione iſtius myſterij ſinem imponere orationi debeo.

Oratio.

Quid Domine in caducis rebus reperire potuit mea memoria , vt illis tuum locum daret ? quid præter te aſſequi potuit mea intelligentia dignum, quod intelligeret ? Quid præter te voluntas mea reperire potuit dignum , quod amaret ? Dolor vere eſt non amor quicquid præter te diligitur . Ergo quando ex præpoſtero voluntatis amore , & intellectus obſcuratus eſt , & memoria oblita tui : tu Domine propter te ipſum , amaritudinem quæſo infunde omnibus ijs quæ præter te diligo , vt ſic ea refugiam , teq; ſolum diligam , qui meus amor eſſe voluiſti . Amen.

Excitator.

Retribuebant mihi mala pro bonis,
& odium pro dilectione,

[illegible]

1. The first group of people who are interested in the study of the history of the United States are the people who are interested in the history of the United States. This group of people is interested in the history of the United States because they want to know more about the United States. They want to know more about the United States because they want to know more about the United States.

Die Iouis.

Quid Deus erga nos? vt mihi oculos dederit, vt ex creaturarum pulchritudine eius, qui eas donauit amorem elicerem, eumq; in omnibus quæ oculis sese offerunt perpetuo diligerem.

Quid nos erga Deum? vt oculis meis hostibus eius aditum patefecerim, & creaturarum pulchritudine abusus, quasi quidam Basiliscus aduersus me, & contra proximum meum, habenas concupiscentiæ laxauerim.

Quid Deus erga nos? vt mihi aures concefferit: vt vocis sponsi audita dulcedine, anima mea quodammodo liquefieret.

Quid nos erga Deum? vt tanquam Aspis surda cauda aures obstruxerim, ne sanctas inspirationes audirem, quas tamē aures murmurationibus aperui.

Quid Deus erga nos? vt mihi odoratum concefferit, quo odorum suauitate, qui afflantur è floribus excita-

TUS

tus ipsum laudarem, & in odorem currerem vnguentorum eius: florum suauitas me potius ad terrenas voluptates illexit, & cum peccatoribus dixi: Coronemus nos rosis antequam marcescant: deserui vestigia pedum Domini, & rerum fetore captus erraui.

Quid Deus erga nos? Quanta liberalitate varios suauissimosque cibos suppeditarit, quorum dulcedine expleto gustu donatoris amorē cognoscerem, & spiritualiter gustarem quam suavis est Dominus.

Quid nos erga Deum? immensa gula voracis draconis naturam indui, & tantum beneficium in perniciē meam conuerti: ex quo verum spiritualium rerum gustum amisi, & fel peccatorum melle dulcius sum arbitratus.

Quid Deus erga nos? dedit manus, vt ea operarer, quæ gaudium atq; lætitiā angelis afferrent, quæ in ipsa morte

morte me sequerentur, nec prius deferrent, quam in beatorum essem numerum cooptatus.

Quid nos erga Deum? manus meae fedtatem operatae sunt: tantum abest, ut angelis gaudio fuerint mea opera: ut iustos potius ingenti affecerint dolore: deniq; ea sum operatus, quorum consortium vereor, & quae me damnationis reum faciunt.

Consideratio.

Perpendere Dominum, ut meorum criminum penas lueret, in deserto a spiritu ductum pro mea gula ieiunasse. Et in hoc mysterio meditationem occupabo.

Oratio.

Domine quid dicā de oculis meis? quibus tanquam follibus cum ex creaturarum aspectu accendere deberem ignem amoris tui, iisdem potius inferni in me ignem accendi, tot videlicet deprauatis cupiditatibus.

Quid

Quid dicam de mearum aurium
surditate, quas miserorum vocibus
patere nolui? considerabo cuius rei
gratia concessa sit mihi lingua, &
quibus in rebus eadem sim usus.
Quomodo recensere potero, quarum
potissimum rerum suauitate me ca-
pi permiserim? quid dicam de ope-
ribus manuum mearum? quid re-
spondebo, cum sim ego ipse qui fe-
ci? Quo me vertam nescio: nam licet
solus ceciderim, non scio tamen so-
lus exurgere. Vere amici, & proxi-
mi mei deceperunt, & deseruerunt
me, & propterea cor meum contur-
batum est, & dereliquit me virtus
mea. Respice ergo, Domine unicum
refugium meum, afflictionem meam,
& propter tuam bonitatem fer opem
huic miseriae. Conformam Domine
sensus meos ad tuam voluntatem,
tuamque gloriam, ad quam creasti eos.
Amen.

Ex-

Excitator.

**Ascendit mors per fenestras , ne
ambuletis in vanitate sensus.**



Diò

Die Veneris.

Quid Deus erga nos? vt mihi peccā-
ti creaturarum obsequiū non ademit,
vt vitam viresq; tribuit, quibus ego
tamen ipsum offendebar.

Quid nos erga Deum? Non modo
non me creaturarum vsu cognosce-
bam indignum, sed potius si quid dee-
rat conquerebar, nec ad aliud vitam
optabam, & vires, quam vt meæ indul-
gerem voluntati: nec mirabar terram
meorum scelerum pondus sustinuisse.

Quid Deus erga nos? sua protectio-
ne à visibilibus & inuisibilibus hostium
manibus eripuit me, in quo etiam vt
in Caim suum posuit signum, ne vide-
licet dæmones ex me tot criminum
pœnas reperent.

Quid nos erga Deum? Quos hostes
vitare debui, eos ipsos quæsiui: illis
me peccando tradidi, quibus mors
mea cordi est: in eorum societate se-
curum, in morte deniq; me viuum ar-
bitrabar.

Quid

Quid Deus erga nos ? vt me per amicos admonebat, per concionatores docebat, instruebat per Angelos, aliorum funeribus excitabat: illudq; vero offerebat, quod ego impetrare votis omnibus nunquam meruissem.

Quid nos erga Deum? clausi aures amicorum consilijs: cor concionibus, & inspirationibus: oculos à memoria mortis auerti, vt ei parerem tyranno, qui neq; aliud potest, neq; aliud potest, neq; aliud vult, quam me acerbissimis poenis afficere: & regem coelestem deserui, qui, vt me ab illis liberaret eas, ipse in se pertulit sponte.

Consideratio.

Perpende Deum vt me à morte liberaret, acerbissimam crucis mortem pertulisse. Et hoc mysterium meditationis materia esto.

Oratio.

Quid Domine in te reperi, vt te persequer? quid in me, vt me diligerem?

Quid

Quid tu à me cum peccantem tolerabas, vel quid ego à me sperare poteram cum te offendebam? Vere infinita est tuæ misericordiæ multitudo. Hæc me obsecro Domine ad tuum amorem alliciat: hæc mihi vt in tuo obsequio permaneam persuadeat: hæc me ad tuas laudes hortetur, vt creatione sum, ita sim totus tua gratia tuus. Amen.

Excitator.

Quid est quod debui vltra facere vineæ meæ, & non feci? an quòd expectaui vt faceret vnas, & fecit labruscas.



Die Sabbati.

Quid fuisset erga me faciendum Deo? Merito memoria quæ Dei oblita est in inferno esset punienda, ut obliuionem sibi sempiternis poenis luendam fore recordaretur: ut intelligentia tot sceleribus commeruit poenam eandem, ut illo misero statu cognosceret remedia, quibus in hac vita se potuisset ab illis poenis liberare: quantus porro voluntatis dolor, quæ hic noluit aliqua ex parte mortificari, si se videsset in inferno penitus ac sine fine mori.

Quid debuisssem facere erga Deum? ut metuere deberet memoria, ne vnquam posthac in Dei obliuionem incideret: quam deberet in posterum esse ad diuinum obsequium solers, & perspicax mea intelligentia, quam voluntas in eiusdem amore ardens, & inflammata: me deniq; ut cum debe-

H 2 rem

rem remedium adhibere , denuò tamen nouis sceleribus, nouis etiam poenis obligatum in inferno collocum.

Quid fuisset erga me faciendum Deo? quam graues oculis meis, & formidabiles tenebræ essent futuræ & & aspectus dæmonum: quam horribiles auribus gemitus damnatorum: quam intolerabilis naribus inferni foetor: quam amarus gustui calix tormentorum: quam crudelis tactui æternus ignis.

Quid debuisssem facere erga Deum? ijs ad meam salutem perspectis, de nulla aduersitate quæ occurrat, mirari mei oculi iure poterunt: nullam aures infamiam, aut conuitium: nullum foetorem odoratus respuere: nullam gustus amaritudinem: manus deniq; hunc nostrum si opus esset ignem non extimescerent, vt illum sempiternum vitare possent: sed ego stultus labores omnes in illud tempus reijcio, in quo

omnis

omnis labor æternus est.

Quid fuisset erga me faciendum Deo? suæ gratiæ protectione à peccato me præservat, & consequente ab inferno, à quo me singulis momentis liberat. Quoties illi debeo hanc æternæ pænæ liberationem? quoties de integro me ipsum mihi reddidit?

Quid debuisssem facere erga Deum? sollicitus quæro, illis me vinculis charitatis exolvere, vt ab illis liber in præceps ruam. Possum ne ego recensere, aut meminisse quoties hoc à Domino beneficium acceperim? & tamen de nouo me eius hostibus trado.

Consideratio.

Perpendere Dominum ad inferos descendisse, vt Sanctos patres inde educeret, eoq; tempore eius corpus in cruce pependisse, sub qua beatissima Virgo manebat. In quo mysterio finem impones meditationi.

Oratio.

Vere possum Domine dicere, quia repleta est malis anima mea, & vita mea inferno appropinquavit. O quoties à mortis me faucibus reuocasti! quoties in easdem me miser induxi! Ergo Domine, si mea omnia in meum spectant interitum, si tua omnia mihi vitam afferunt, cognoscam quæso me, ut me ipse fugiam: cognoscam quæso te, ut me totum tibi dedam, cuius sola clementia & me creauit, & toties ab interitu liberauit. Amen.

Excitator.

Nisi quia Dominus adiuuit me, paulò minus habitasset in inferno anima mea:

*Die*

Die Dominico.

Quid Deus erga nos? vt nobiscum ipse sit, in quo viuimus, mouemur, & sumus: vt nos dormientes tueatur, vt nullo tempore derelinquat.

Quid nos erga Deum? quantum mouere me hoc debuit, vt eius penitentiam fusciperem, & eum diligerem, qui tam propè, & perpetuus mihi comes est: & tamen dum hæc ipse facit, ego multa admisi scelera, & flagitia.

Quid Deus erga nos? videt mea crimina is qui omnia videt, & remedium meis malis quærit.

Quid nos erga Deum? oblato remedio non vtor, quin meæ cupiditati modis omnibus cupio satisfacere.

Quid Deus erga nos? post hæc tamen omnia suauiter disponit, vt virtutes inserat in animum, occasionem captat.

Quid nos erga Deum? tanta boni-

H 4 tate

tate & patientia quod ille plantaue-
rat, ego momento temporis eradica-
ui ac perdididi.

Quid Deus erga nos? ne euellam
iterum eas, Deus conseruat humilita-
te, & confusione mei: vt ijs quasi ra-
dicibus nixæ virtutes, in me perfician-
tur & perseuerent.

Quid nos erga Deum? licet diuina
misericordia eas non eradicauerim,
permitto tamen arescere, & tot de-
prauatis cupiditatibus obruo, vt me-
rito mirari debeam, si quando eas post
tot impedimenta in me reperio.

Quid Deus erga nos? dum sum in
gratia, amore se mihi tradit: & vt cha-
ritatem in me aleret, sui sanctissimum
Eucharistiæ sacramentum instituit:
deniq; in omnibus se mihi donare vult
neq; à me aliud exigit, quam vt ipsum
recipiam.

Quid nos erga Deum? tot noxijs
distractus rebus in hanc vnā tam
salu-

salutarem animum non intendo: ingrato animo Angelorum panem mihi oblatum respuo, vt nihil aliud facere videar, quam impedire bona eius in me collata.

Consideratio.

Perpende ipsum surrexisse: & quantum debeamus æterno patri, quod ea vulnera, quæ nos fecimus, ipse glorificauit. Considera item ipsum ad patris sedentem dexteram nostris operibus honorari, timendumq; esse vehementer eius iudicium, si ea praua sint, permagni autem nostra referre, si ipsum semper præsentem habeamus. Atque hoc meditationis esto materia.

Oratio.

O altitudo infinitæ sapientiæ, verè in mari via tua, & semitæ tuæ in aquis multis, & vestigia tua non cognoscuntur. Quam deberem mirari, cum in me bonum aliquod desiderium esse video: multo vero magis cum illud exercere

incipio:

incipio: summè deniq; si expletum. Mirum est te in tam sterilem terram iacere semina, & ex tam infructuoso solo fructus colligere. O si cognoscerem Domine me semen tuum perdere, quod in animam iacis, & cum primum germinat illud conculcare pedibus, & cum iam albescit & ad maturitatem peruenit conuellere, vere in omnibus humiliarer, & ex tuis operibus bonis, quæ in me video, summopere confunder: Da ergo mihi Domine propter te ipsum, & propter tuam bonitatem, vt hæc agnoscam, vt ex eo sanctissimum nomen tuum glorificetur in secula seculorum. Amen.

Excitator.

In me eras, te ego te non cognoscebam: sero te cognoui bonitas infinita, sero te cognoui.

TRA.

TRACTATUS

SUPER CANTICO

*trium puerorum, cuius initium
est: Benedicite omnia ope-
ra Domini Domino.*

ARGUMENTVM.



MERITO quidem
Deum ob id lau-
damus, q̄ crea-
uerit cœlum, &
terram, mare, &
omnia quæ in eis sunt: sed non
minus pro his laudandus est,
quæ in se homo tanquam in
mundo quodam continet. Sunt
enim, si quis diligenter aduer-

tat

rat, in hominis anima reliquarum creaturarum virtutes, atq; operationes spiritualiter. Quãobrem in huius cantici enarratione id agemus, vt ex animi interioribus eliciamus Dei laudes: nō minus, vt speramus, Deo gratas futuras, quam si ex rebus exterioribus, quæ nos quod sint visibiles facile ad Dei laudes excitant, ipsum laudaremus. Erit quidem res hæc quã suscipimus satis difficilis: nec. n. facile est reperire in anima dies, & noctes, lucē, & tenebras, cælū dēniq; & terrā: sed nihil minus putamus fructus ex ea ad Dei gloriam, & laudem perceptū iri, si nos modo diuina gratia non destituat.

Bene-

B E N E D I C I T E O M N I A

opera Domini Domini.

SI non sufficis anima mea benedicere Domino, pro vno solo eorum, quæ in te misericordia sua operatus est, quomodo possis eum pro omnibus operibus suis laudare, de quibus, eos qui scribi possent libros nec ipse mundus capere posset? nec id mirum, quandoquidem operibus innumeris, innumeræ & laudes debentur. Quid ergo facies anima mea? aut quomodo tantas res tantula ipsa laudibus persequi possis? Incipe tamen, & Deum in quinq; saltem operibus lauda, quando omnia eius opera laudare pro dignitate non sufficis. Primum igitur lauda, quod tanta cum perfectione, tum pulchritudine, mundum condiderit: eumq; quod magis laudare debeas, condiderit tibi: teq; quod illa beneficia

cia superat, ad imaginem, & similitudinem suam fecerit. Deinde, quod non solum te tibi dederit ex nihilo creando: sed & se ipse pro te tanta ex misericordia redimendo tradiderit. Tertio propter reconciliationem, sine qua parum reliqua profuissent, si te inquam, ubi in peccatum incidisti, demonum laqueis non exoluisset, præueniendo gratia sua, & te mirabiliter liberando. Reputans igitur tecum, & animo sedulo versans, quoties tibi, atque alijs peccatoribus eiusmodi beneficium Deus præstiterit, incipe Canticum & dic. Benedicite omnia opera Domini Domino. Laudate & superexaltate eum in secula. Vere, ut scriptum est: Magnificata sunt opera Domini, nimis profundæ cogitationes eius. Quarto pro amore, quo animam impassibilem quodammodo reddere solet. Videre enim est, qui Deum perfecte amarunt, quantum frigore, calore

lore, laboribus, & varijs tribulationibus afflicti, non solum hæc vsque ad mortem passi sint: sed ea omnia magno etiam cum desiderio, magnaq; cum iucunditate tolerarint. Postremo pro sanctis desiderijs, quibus facit plerumq; vt qui martyres re ipsa non sunt, martyrij tamen meritum consequantur. Tanta est sanctorum desideriorum vis coram Deo, qui voluntatem quandoq; acceptam fert sine operibus. Quis igitur possit, aut sciat Dei laudes dicere, præsertim in terra aliena, in qua miseri exulamus? quis inquam possit opera Domini pro dignitate laudare?

Benedicite Angeli Domini Domino.

Angelos possumus dicere superiores animæ potentias, quæ reliquis magis sunt ad diuinas laudes idoneæ: vt potentiæ in quibus sanctissi-
ma

simæ Trinitatis imago sit. Laudet itaq;
anima mea memoria sua Deum suum,
cuius, si quid in rebus dulce esse po-
test, est certe dulcissima recordatio,
quemadmodum scriptum est: Renuit
consolari anima mea, memor fui Dei;
& delectatus sum. Laudet intellectus
relinquendo terrena, & cælestia sedu-
lo quærendo, vt abscondita sit vita no-
stra cum Christo, & conuersatio nostra
in cælis sit. Laudet voluntas toto cor-
de, totisq; viribus. nec enim in aliud
creata est, quam vt Deum amando
quæreret, & inuento frueretur. Id
quoties feceris, anima mea, tribusq;
his potentijs Deum laudaueris (vt de-
bes) eris tanquam Angelus Dei. Quod
si te à Deo peccato separaueris (quod
tibi magnopere cauendum, & timen-
dum est ne contingat) boni Angeli
nomine, & dignitate amissa, in Lucife-
ri societatem transibis, qui nunquam
ad amissas Dei laudes est rediturus: tu
vero

verò dum viuis in carne, redire potes,
 merito sāguinis immaculati Agni, qui
 nobiscum multò aliter quàm cum An-
 gelis agere in hac parte dignatus est.
 O quàm est æquum omnes vt Ange-
 los inuites ad Deum, vel ob hoc vnū
 admirabile opus, pro quo ei infinitæ
 gratiæ debentur, aliqua saltem ex par-
 te laudandum.

Benedicite Cœli Domino.

Quos alios dicimus cœlos in anima
 seu mundo isto minori, quàm miseri-
 cordias Domini: quibus vt cælum ter-
 ram vndiq; cingit & tegit, ita animam
 ipse protegit? sicuti scriptum est: Mi-
 sericordia domini plena est terra, &
 quidem sicut cœlos extendit vt pel-
 lem, ita in animas nostras pellibus hi-
 sce corporum cinctas, misericordias
 suas diffundit: vtq; cor lætificat, atq;
 dilatat cœli aspectus, ita confirmat ani-
 mam,

mam, & consolatur memoria miseri-
cordiarum Dei.

*Benedicite aquæ omnes quæ super cælos
sunt Domino.*

Quonquam sunt multæ super ter-
ram aquæ, non ascendunt tamen su-
per cælos, nisi iustorum lachrymæ di-
uini amoris calore expressæ. Hæ sunt
namq; quæ Angelos lætificant, & de
quibus scriptum est: Posuisti lachry-
mas meas in conspectu tuo. Sunt qui-
dem & lachrymæ aliæ, quas plerumq;
excutiunt sensualitatis amor, & terre-
narum rerum affectus: sed istæ non modo
non ascendunt, sed in infernum usq; recta
descendunt. Lauda itaq; anima mea
Dominum, pro aquis his, quibus ius-
tos tanquam pane cibant, facitq; ut ea
cuncta despiciant, pro quibus peccato-
res flere consueverunt. Sunt autem il-
læ tanta consolationis causa his, qui
per-

percipiendum à se sperant earum fructum in cēlo, cum absterget Deus (vt est in Apocalypsi) omnem lachrymā ab oculis ipsorum: vt nec sine ijs quietem capiant, nec cibum, aut somnum, sed eis semper comitati Dominum benedicentes in cœlum spiritu ascendāt.

*Benedicite omnes virtutes Domini
Domino.*

Vt magnum quiddam est, & admirabile, creasse cēlos cum aquis, de quibus diximus, nec minus mirum atq; laudabile, vim tantam & ordinem talem posuisse in eorum motibus: ita nobis laudandus est Deus pro ea virtute, qua ab ipso accepta, anima amoris affectibus se ipsa mouere potest: vtq; nobis non solum Deus cēlos dedit, sed & virtutem etiam ijs quibus moueretur: ita animæ non tantum aquas dat, sed mouet etiam vt eas à se desideret.

I

2

illa

illa & petat. Id q̄ vt intelligas, anima mea, quanti faciendum sit, aduerte, q̄ vt neminem sanabunt aquæ piscinæ, de qua est in Euangelio, nisi ab Angelo prius motæ, ita nec lachrymis animas sanas reddi, nisi Spiritus sancti virtute illæ exprimantur.

Benedicite Sol & Luna Domino : benedicite stella celi Domino.

Tres videre est in hoc versu claritates, Solis nimirum, Lunæ, & stellarum : quæ sunt certe omnes laude dignissimæ. Intellige vero tu anima mea solis iustitiæ Iesu Christi Domini nostri splendorem ac lucem, qua te cecam, nascendo & moriendo pro te, cognitionis suæ luce perfugit. Claritatē verò lunæ intellige sanctorum exempla, quæ, dum in huius seculi tenebris agerent, nobis clarissima reliquerunt. Vt vero in luna est alias intensior lux,
alias

alias vero remissior: ita non omnes eadem luce sancti resplendent. nam ceteros tanquam plena luna beatissima Virgo virtutum magnitudine, atque splendore longe antecellit: estq; in ceteris, prout videlicet Dominus illorum quenq; illustrare dignatus est, splendor inequalis. Laudandus præterea est Dominus in stellis, id est, ea luce, qua peccatores ex inferni tenebris eripit. Multi enim sunt, quos, cum negligenter vixerint, morituros tamen sua gratia ita illustrare dignatur, vt feliciter vitam claudant. tanta est Dei pietas erga indignos, quos, cum eorum tamen iniquitas supplicium mereatur, sua misericordia plerumq; illustrat. Vt enim à sole isto visibili & luna, & astra reliqua lumen accipiunt: ita à sole iustitiæ & iusti omnes, & peccatores et illustrantur.

Benedicite imber & ros Domino.

Vt gignitur tum imber, vbi in mediam aeris regionem vapores eleuati fuerint: ita spirituales aque tum deum generantur, cum eorum qui in terris vitam degunt, desideria in celum conscenderint. Laudabis verò in rore Dominum, qui quemadmodum solet mane rore demisso refrigerare terram, noctis calore depulso: ita post tribulationis noctem, tanquam mane, diuinæ consolationis rore spiritum, vt possit ascendere in montem Domini, recreat atq; letificat.

Benedicite omnis spiritus Dei

Domino.

Intellige per spiritus hos, id est, ventos, Spiritus sancti dona: sine quibus, nec magis viuere potest anima, quam sine respiratione corpus, nec in por-

portum nisi ijs flantibus animę nauis aliquando peruenire. Hęc enim audaces nimium animas timidas reddunt, faciuntq; ex duris pias, sapientes ex rudibus: postremo ex debilibus fortes reddunt.

*Benedicite ignis & aëlis
Domino.*

Benedicat Domino anima quam illius ignis flamma incendit, de quo à domino dictum est: Ignem veni mittere in terram: diuini nimirum amoris ignem. Quod si vel pro scintilla vna summè laudandus est: quantas quęso laudes ei debemus, cum fuerit amor vehementissimus, nempe in morte, qua se charitatis vix maximè prodit? Vt estum hoc loco possimus intelligere vehementissimum charitatis ardorem, quo incensus Laurentius, & reliqui Martyres ea fecerunt, pro quibus

I 4 bus

bus à nobis Deus nunquam satis dignè
laudari possit.

*Benedicite frigus & aëtas
Domino.*

Vt non solum necessarius est calor
ad fructus colligendos, sed & frigore
opus est, quo compressa terra eos fer-
re possit: ita nobis non tantum opus
est diuino amore: sed illud est inter-
dum necessarium, vt nos frigidos
etiam quādoq;, experiamur: quo non
solum magis agnoscamus, quid diffe-
rat status vterq; cum nimium inca-
lescimus amore, & cum nimio algore
frigesimus: sed eo diligentius con-
tendamus ad ignem accedere quo
magis frigemus: vt qui intelliga-
mus, eo magis necessarium esse nobis
calorem, quo fuerit frigus intensius.
Ita omnipotens Dominus, qui omnia
suauiter disponit, & plerumq. calorem
dat, & interdum etiam frigidos nos
esse

esse permittit; idq; ad gloriam suam & rem etiam nostram, vt diximus.

Benedicite rores, & pruina Domino.

De verno rore supra dictum est: nunc de hyemis rore atque pruina, quæ nox (vtpote longior, adeoq; frigidior) albiora reddit, dicendum est. Laudemus igitur dominum, qui quo est tribulationis longior & laboriosior nox, eo spirituales rorem candidiore efficit, & puriorem. Maius enim est eo meritum, quo fuerit dolor pro Christo acerbior, vt beati merito dicendi sint. qui pro eo multa passi sunt sic enim maiora in coelo premia meruerunt.

Benedicite gelu, & frigus Domino.

Quæ rigescunt frigore, si quidem animalia sunt, moueri non possunt: si vero arboris fructus, amittunt saporem. Similia patitur à peccato anima, nam & moueri ad bonum non potest,

test, & diuinarum consolationum suauitatem non percipit. Cum videris ergo, o anima mea, quempiam frigore isto rigentem, laudabis dominum, cuius nisi te ignis ardor incenderet, tu itidem rigeres. Cum tamen vides proximum tanto frigore premi, eius te misereat, ne si non compatiaris, te simile frigus itidem corripiat. Itaque ad Dei laudes fac ut frigus excitet, & ut te dum illum subueniendo quasi calefacis, diuini amoris flammæ corripiant.

*Benedicite glacies & niues
Domino.*

Duo sunt glaciei & niuis velut propria: alterum, quod sunt valde frigida: alterum, quod post tempestatem tranquillo iam tempore pulcherrima apparent. Simile quiddam reperire possis in peccati frigore: nam cum in id incideris, magna est
tan-

tanquam oborta tempestas: at vbi humani affectus mitigati fuerint, & velut animæ tempus tranquillum redditum, Deus bone, quam est pulchrum & iucundum spectaculum, cum ea velut nix liquefit, diuinitus immisso gratiæ calore. Itaq; dicit Propheta: Si fuerint peccata vestra tanquam coccinum, velut nix dealbabuntur.

Benedicite noctes, & dies

Domino.

Noctes sunt aduersitatis tempora, prosperitatis autem dies. vt enim in prosperitate splendent omnia: ita in aduersitate contenebrescunt. Quod si velis euadere, anima mea, noctis huius pericula quæ impatientia affert: tum etiam pericula diei vitare, in quæ solet ingratitude & superbia conijcere, nullum profecto præsentius remedium inuenies, quam si iustum Iob imi-

imitatus, Domini nomen, siue quod ille dederit, seu abstulerit, semper benedicas: ita implebitur in te quod ait Propheta: Per diem non te vret sol, nec luna per noctem.

Benedicite lux & tenebra

Domino.

Cum te videris, anima mea, aliqua gratiæ vel deuotionis luce perfundi, & Deum lauda, quando idcirco dat, te laudes: & operam da, vt ea quæ recepisti maiora reddas, quo possis magis benedicere Domino: nec cessare tamen debes à laudibus Dei, si te videas in tenebris esse, & velut sensibili gratia destitutum, tum enim tanquam aurum in fornace probaris, facitq; de te Dominus periculum, sis ne ei fidelis seruus, an vero se tantum laudes orationis ducedine captus. In eiusmodi itaq; tenebris posita, confirma

ma fide viua orationem tuam . . Et quidem si non animum in ea tribulatione despondes, nec laudes Dei intermittis, nihil est quod dubites futurum, vt de hac nocte dici possit: Nox sicut dies illuminabitur, itemq; sicut tenebræ eius, ita & lumen eius.

Benedicite fulgura.

Quæ dicimus fulgura, nisi sanctas inspirationes, quæ fulgurum more, & ea quæ tangunt corda veluti comburunt, & quocunq; accedunt timorem incutiunt? emittuntur enim à Deo, & ad coelestia negotia tanquam Dei legati, cum animas sanctas conuocant, tum vt possint videre Deum Deorum in Sion, suauiter disponunt.

Et nubes Domino.

Nubes dicere possumus iustitiæ desideria. sic enim sancti Patriarchæ,
& Pro-

& Prophetæ olim à Deo petebant.
 Pluant nubes iustum. Quoties ergo
 videris in te anima mea eiusmodi nu-
 bes, id est, desideria, Dominum lau-
 da, quia scriptum est: Beati qui esu-
 riunt, & sitiunt iustitiam, quoniam
 ipsi saturabuntur.

*Benedicat terra Dominum, laudet & su-
 perexaltet eum in secula.*

O quantum debet benedicere Deo
 pulvis, & cinis, qui in fictilibus vasis
 tantum thesaurum reponere digna-
 tus sit. Considera vero anima mea,
 duabus de causis præcipuè tam
 admirandas res in luto nostro Do-
 minum facere voluisse: altera, quo
 eius magnitudo, potentia atque cle-
 mentia magis agnoscerentur, adeoq;
 ei gratiæ infinitæ haberentur, qui
 vilitatem nostram respicere digna-
 tus sit: altera, quo nos in humilita-

te

te conseruaret , ne videlicet donorum suorum magnitudo , & multitudo extolleret . Nam & ea causa voluit nos terram istam gestare , vt qui agnosceremus , quam viles simus , non solum eū benediceremus , & laudaremus ēt , & superexaltaremus in secula .

Benedicite montes & colles

Domina.

Montes intelligamus hoc loco eos , qui perfectionis montes ascenderunt : de his enim scriptum est , quod beneplacitum est Deo habitare in eis . Laudent tamen etiam colles , id est , qui ascendere desiderant : etenim de ijs etiam scriptum est : Beati qui disponunt ascensiones in cordibus suis . vt enim colles sunt quasi montes , ita qui perfectionem (vt par est) desiderant , ab ea non longe absunt .

Bene-

*Benedicite vniuersa germinantia in terra
Domino.*

Dici non potest, quæ & quanta creauerit Dominus in mundo hoc visibili, ne quæ aut quanta in hominis inuisibilem spiritum soleat infundere. Quis enim dicat spirituales animæ flores & fructus, quæq; facit oriri in nobis Dominus, alias quidem amore eliciens, alias vero timore perterrens? aut quis tribulationum & consolationum fructus? quis merita, quis Dei amorem admirabilem, & eam quæ animas nostras tractat (quibus cum esse suas dicit delicias) sapientiæ profunditatem possit enarrare? Quando ergo non sufficis singula persequi, anima mea, benedic (quemadmodum est in cantico) pro vniuersis Domino.



Bene-

*Benedicite fontes Domino , Benedicite
maria, & flumina Domino.*

Fontium aquas, eas intellige lachrymas, quas videndi Deum desiderium vehemens solet exprimere: de quo ait Propheta: Quemadmodum desiderat Ceruus ad fontes aquarum, ita desiderat anima mea ad te Deus. Maris verò amaras aquas, eas dicere possumus, quas contritio, & de peccatis dolor solet excutere, iuxta illud Psalmi: Recogitabo tibi omnes annos meos in amaritudine animæ meæ, & illud Iob: Loquar in amaritudine animæ meæ. Deniq; fluminum aquæ Apostoli sunt, & item sancti reliqui, de quibus scriptum est: Eleuauerunt flumina vocem suam: quorum exempla imitandi, aut conuersatione, & societate fruendi, cum nos desiderium vehemens accendit, tum verò tertij generis lachrymas effundimus.

K

Bene-

*Benedicite Cete, & omnia quæ mouentur
in aquis Domino.*

Admirabile quidem est spectaculum, cum pisces & cete in mari moueri conspiciuntur, sed non minus est admirandum, si quis ea quæ in contemplationis aquis mouentur aspiciat. Hic enim non solum malum deferendi, bonumq; prosequendi, atque eiusmodi alia vota multa conspicias: sed & Charitatis vehementia quædam desideria, quibus nec immania cete conferri possint. Ijs impulsus Moyses dicebat: aut dimitte illis, aut dele me de libro vitæ. Optabat etiam Apostolus anathema esse pro fratribus suis secundum carnem: & alibi: Quis nos, inquit, separabit à charitate Dei? tribulatio an gladius? an mors? Lauda ergo, anima mea, Dominum pro his quæ mouentur in aquis istis, id est,

est, pro amoris affectibus, quos Spiritus sanctus tanquam in aquis devotionis in nobis excitat.

Benedicite omnes volucres celi

Domino.

Admirabilis quidem est avium tam varia multitudo, tantaq; varietas: sed non sunt minus admirabiles considerationes illę virtutum Dei, quę avium more solent in contemplatione in cęlum ascendere: utq; itineris sui nullum aves vestigium derelinquunt: ita plerumq; accidere solet ijs, qui in contemplatione positi in sublime tolluntur. Fiunt enim adeo extra se spiritus virtute, & considerationis bonitatis Dei, sapientię, potentię, atque clementię dulcedine in altum sublata, ut nullum videantur itineris sui vestigium reliquisse: O quantum debent ij benedicere Domino, qui cum

K 2 in

in carne sint, perinde agunt ac si Angeli essent! Benedicant ergo aues coeli Domino, quas nihil dubium est in coelum esse admittendas, quando in se habent eum inhabitantem spiritum, eumq; columbina simplicitate referunt, qui in specie columbæ aliquando voluit hominibus apparere.

Benedicite omnes bestia & pecora

Domino.

Duo bestiarum genera intelligimus in hoc versu. fit enim hic mentio domesticarum & ferarum: domesticas intellige carnis nostræ passiones, inimici enim hominis domesticis eius? feras autem reliquos hominis hostes, mundum nimirum atque dæmonem. Quoties ergo se anima ab his videt diuina gratia liberatam, toties benedicat Dominum: eoq; vehementius laudet, quo se ab his sæpius male tra-

tra-

tractatam esse meminit. Ne vero iterum in eorum manus incidat, præsentissimum putet esse remedium, assiduam orationem: hac enim & debiles redduntur hostes, & nos efficiamur fortiores: in hoc item ex consideratione peccatorum nostrorum, quæ bestię merito dici possunt, magnus solet & amoris Dei, & divinæ laudum fructus percipi ab his, quibus cum diligant Deum, omnia cooperantur in bonum. Lauda itaq; anima mea Dominum, qui te ab his bestiis sua misericordia eripuit, & dic cum Propheta: Anima mea sicut passer erepta est de laqueo venantium, benedictus Dominus qui non dedit me in captionem dentibus eorum.



Benedicite filij hominum

Domino.

Vbi ventum est ad creaturarum finem, admonentur filij hominum benedicere Domino, quandoquidem ea causa, & creaturæ supradictæ creatæ sunt, & quæ per illas superius significari diximus, sunt hominibus à Deo spiritualia dona infusa, vt laudet his dominum: quippe qui vt eius gratia reliqua facta sunt, ita est ad Dei laudes cantandas creatus. Vnde in Psal. non petit ab homine Deus nec vitulos, nec hircos, sed laudis potius sacrificium. O filij hominum vsquequo graui corde! cur non aduertitis ea causa creaturas omnes vobis esse à Deo datas, vt ipsum laudaretis? nec pro tanto beneficio aliud à vobis postulari, quam id quod est adeo per se dulce, vt & eo se angeli magnope-

re

re oblectent, & sancti sibi gloriosum
 ducant. Benedicite filij hominum Do-
 mino, nec committatis, vt vos à Crea-
 tore abducant; id potius videte, quem
 admodum creaturæ reliquæ à condi-
 tione sua Deo semper sunt obsecutæ.
 Cur igitur solus homo ingratus sit?
 & qui tanta est dignitate, vt dictum
 sit de hominibus à Deo: *Dij estis: se-*
sinat in hac parte à creaturis reliquis
superari.
Benedic Israel Deum, lauda, & super-
exalta eum in secula.
 Israelis nomine intelligitur, qui
 Deum videt: vident autem Deum,
 qui mundo sunt corde, sicut scriptum
 est: *Beati mundo corde, quoniam ip-*
si Deum videbunt: & quidem hi eo
magis debent Deum laudare, quo ab
illo maiora beneficia receperunt: tan-
toque diuinum nomen maiori studio

sanctificare, quanto sunt ab eo puriores sanctioresque effecti. Quod nisi ita faciant, timere debent, ut à quibus sit exactè talenti ratio exigenda.

*Benedicite sacerdotes Domini
Domino.*

Sacerdotum munus est, Deo sacrificia offerre: qui ergo in se sentiunt eiusmodi desideria, ut se non putent satisfacere, si se ipsi Deo offerant, nisi etiam alios huc adducant: idq; ponunt in maximo Dei beneficio, si aliorum saluti possunt consulere: Benedicant Domino pro tanto munere, atque in eo perseuerent. sunt enim tanquam angeli, qui in conspectu Dei incensum adolent, fragrantemq; sacrificiorum odorem in coelum usque spagno sanctorum gaudio emittunt.

Bene-

Benedicite serui Domini

Domino.

Quo intelligatur quanta obligatione teneantur benedicere Domino serui eius, legatur quod ait Propheta: Ecce nunc benedicite Domino omnes serui Domini, qui statis in domo domini: & quidem magnam pijs affert consolationem, non solum mansio in domo domini, sed & cogitatio, etiam eo aliquando tandem perueniendi, sicut scriptum est: Quam dilecta tabernacula tua Domine, concupiscit, & deficit anima mea in atria Domini: & alibi: Elegi, inquit idem Psalmista, abiectus esse in domo Dei mei magis, quam habitare in tabernaculis peccatorum.

Bene-

*Benedicite Spiritus , & animæ iustorum
Domino , benedicite sancti & hu-
miles corde Domino.*

In sapientiæ libro scriptum est : Iu-
storum animæ in manu Dei sunt : de-
bent ergo iusti benedicere Domino,
cuius pretiosi sanguinis merito iusti-
ficati sunt , atque iidem facere de-
bent Sancti & humiles . Nam Deus
humilibus dat gratiam , superbis au-
tem resistit : nec horum ei laudes gra-
tæ sunt , sicut scriptum est : Non est
speciosa laus in ore peccatoris : dici-
tur etiam huic in Psalmo : Quare tu
enarras iustitias meas , & assumis tē-
stamentum meum per os tuum ? Be-
nedicant itaque iusti Domino , rectos
enim decet collaudatio.

Bene

*Benedicite Anania , Azaria , & Misael
Dominum , laudate , & super-
exaltate eum in secula.*

Si consideres ; ò anima mea , vi-
visibiles creaturas, benedices tu qui-
dem Domino : invisibilia enim &
æterna per visibilia cognoscuntur.
Nec vero minus, si consideres quid
in te spiritualiter, quomodo, & quan-
do operetur Deus, laudabis eum, &
superexaltabis in sæcula: idque puri-
tate, fide, & charitate ea, qua bene-
dixerunt Domino tres isti pueri, qui
nec minas timentes, nec ignis vim,
Dei laudes (vt par erat) facile rebus
cæteris anteposuerunt.



Bene.

Benedicamus Patrem, & Filium cum sancto Spiritu, laudemus, & superexaltamus eum in secula.

Benedictus es Domine in firmamento caeli, laudabilis, & gloriosus, & superexaltatus in secula.

Tu enim es Deus noster, summisq; laudibus dignus, qui creasti propter hominem coelum, & terram: utq; hominem Deum faceres, homo fieri dignatus es: cui debetur gloria, & honor in secula seculorum, Amen.

F I N I S.

Imprimatur.

Petrus Antonius Ghibertus Vic. Gener.

Ioannes Longus Canonicus, & Curiae Archiepiscopalis Theologus deputatus vidit, & reg. fol. 17.



A Nima Christi sanctifica me, corpus Christi salua me, sanguis Christi inebria me, aqua lateris Christi laua me, passio Christi conforta me, o bone Iesu exaudi me, intra tua vulnera absconde me: ne permittas me separari à te, ab hoste maligno defende me, in hora mortis meæ voca me, & iube me venire ad te, vt cum Sanctis tuis laudem te in sæcula sæculorum. Amen.





THE
LIBRARY
OF THE
UNIVERSITY OF
MICHIGAN
ANN ARBOR
MICHIGAN
U.S.A.

BIBLIOTECA